



سرایکی

ہن تھی فریدا شاد دل      مونجھاں کوں نہ کہ یاد دل  
جھوکاں تھیں آباد دل      لہا تھیں نہ وہی ہک منی



اَللّٰهُمَّ اِنِّیْ اَعُوْذُ بِكَ مِنَ الْعِلْمِ  
 الَّذِیْ لَا یَنْفَعُ

اللہ تعالیٰ نے جہنیاں چیزیں بنوائیں۔ انہیں وہ چوں  
 سب توں پہلے قسم کوں پیدا نہایت

بیاد: سید زبیر علی شاہ (مرحوم)

سہ ماہی

# سرائیکی

بہاولپور

ترجمان: سرائیکی ادبی مجلس

شمارہ نمبر ۲۳

جنوری، فروری، مارچ ۱۹۹۵ء

جلد نمبر ۱

\* مشاورت \*

پروفیسر ڈاکٹر اسلم ادیب

ڈاکٹر نصر اللہ خاں ناصر

\* ادارت \*

سید دین محمد شاہ

نواز کاوش

محمد سلیم شہزاد

\* سرکولیشن مینجر \*

اجمل ملک

\* مشیر قانون \*

عبدالقیوم اعوان

مقام اشاعت: جھوک سرائیکی بہاولپور

قیمت فی پرچہ ۵ روپے  
سالانہ ۶۰ روپے

## تذیر

سورة البقرہ \ ترجمہ ... سید دین محمد شاہ

القرآن \ ترجمہ ... سید دین محمد شاہ

خون دی اے نویں ہولی --- سازش یا فرقہ واریت ۱۰۰ \ محمد نواز انیس پیرزادہ

ہک بے مثال تاریخی قرارداد \ ایم اے پیرزادہ

تکلف برطرف (اردو) \ سید دین محمد شاہ

کلام فرید \ ترجمہ ... مولوی عزیز الرحمن مرحوم

حضرت خواجہ غلام فرید دے کلام وچ سوز تے گداز \ مختار احمد پیرزادہ

منونہ سی حرفی حضرت خواجہ حافظ محمد جمال اللہ ملتانی

حضرت خواجہ غلام فرید تصوف دے شیشے وچ \ محمد نواز انیس پیرزادہ

اکھ دے عذاب (افسانہ) \ بتول رحمانی

غزل \ ظفر اقبال ظفر



سید دین محمد شاہ ایڈیٹر و پبلشر نے جھوک سرانیکی بہاولپور سے شائع کیا



ترجمہ: سید دین محمد شاہ

## البقرة

ان اللہ لا یستحیٰ ان یضرب مثلاً ما بعوضۃ فما فوقہا۔ فاما الذین آمنوا ففیعلمون انہ الحق من ربہم۔ واما الذین کفروا فیقولون ماذا اراد اللہ بهذا مثلاً۔ یضل بہ کثیراً و یرہدی بہ کثیراً۔ وما یضل بہ الا الفسقین ۝

### THE COW

Surely Allah disdains not to set forth any parable - a gnat or anything above that. Then as for those who believe, they know that it is the truth from their Lord; and for those who disbelieve, they say: What is it that Allah means by this parable? Many He leaves in error by it and many He leads aright by it. And He leaves in error by it only the transgressors.

اللہ ایس گالھ کنوں عار نی کریندا جو او مجھریا اوں توں ودھ کہیں شے دی مثال ڈیوے۔ جیڑھے ایماندار ہن او یقین کریندن کہ اے اللہ دی طرفوں سچائی ہے اتے جیڑھے بے ایمان ہن او اکھیندن ایس مثال نال (یارو) اللہ دا کیا مطلب تھیا؟ ایس طرح اللہ (ازمندی) کنھیں ساریاں کوں گمراہ کریندے تے کنھیں ساریاں کوں ہدایت ڈیندے۔ اتے گمراہ وی کریندے تاں انھا کوں جیڑھے نافرمان ہوندن۔



## القرآن (حضرت ابراہیمؑ دے مہمان)

عقیدت مند: سید دین محمد

ہک ڈیہاڑے حضرت ابراہیمؑ دے کول کچھ مہمان آنے۔ علیک سلیک دے بعد حضرت ابراہیمؑ نے انہاں تواضع کیتی۔ آپ گھر تشریف گھن گئے تے اجنبی مہماناں کیتے ہک موٹا بھنا ہویا وچھا چا آنے۔ مہماناں نے ہک ڈوہڑا بھنا پر کھاؤن واسطے تیار نہ تھے۔ حضرت سنیں نے انہاں کنوں پچھیا ”بسم اللہ کرو۔۔۔“ تہاں کیوں فی کھاندے حضرت کو کچھ ڈر محسوس تھیا جو یارو، اے ناواقف لوگ کون ہن تے کہیں نیت نال آنے ہو سن!

تاں انہاں مہماناں نے انکشاف کیتا جو او آدم ذات نی دراصل فرشتے ہن۔ انہاں آکھیا ”ڈرن دی ضرورت اساں تہا کوں فرزند ارجمند دی خوشخبری پچاون آئے ہیں۔“ حضرت سنیں دی ذوجہ محترمہ نے جیزے ویلے اے سنی تاں حیرت تے حیا دے مارے بڈ گئی۔ ”اے ہے، میں پڈھی، تے بانجھ کوں۔۔۔۔۔“، فرشتیاں نے جواب دے، ”رب تعالیٰ دی مرضی ایویں ہے، بے شک او حکمت والا ہے، سب خبراں ہوں کوں ہن @!“

ابراہیم سنیں نے پچھیا ”بیا کچھ، کوئی سدھ سنیا؟“ فرشتیاں نے آکھیا ”اساں مجرماں واسطے ویندے ہیں۔ اسا کوں لم تھیا ہے جو انہاں تے کھنگریاں وساؤ۔ او حد توں دہ گئیں۔۔۔۔۔ او نشان زد تھی گئیں۔ جتنے ایماندار ہن انہاں کوں علیحدہ کر گدا گئے۔ بس ہک گھراناں ہے ساری وستی وچ مومنناں دا۔“

## خون دی اے نویں ہولی۔۔ سازش یا فرقہ واریت؟

اساں اے پوری ذمہ داری نال آکھ سگدے ہے جو دنیا وچ اج ہک ارب مسلمان راہدے ہن۔ مسلمان دی اے شان اسلوں کے فی جو او دہشت گرد ہوئے۔ او اپنیں بھراواں دا خون وھاوے۔ مسلمان دی تاں خود عبادات دا پہلا مقصد وی ایہو ہے جو او اپنیں دلاں وچ انسان دی محبت پیدا کرے انسان دی سیرت، عادات تے کردار وچ نرمی، مٹھاس تے لوچ پیدا تھیوے۔ روح دے وچ لطافت تے باطن وچ پاکی تے نور پیدا تھیوے۔

آذان دی پکار، اقامت، صلوٰۃ، تسبیحات، رکوع، سجدہ، نماز جوازہ دی تکبیراں، دعائیں، روزہ رکھن دی نیت، افطار دی دعا، تراویح وچ پڑھی و نجن والا قرآن شریف، تکبیرات عمیدین، حج دے موقع تے تلبیہ، نیت قربانی۔۔۔ گویا ساریاں عبادتاں ہک جاندار نظام ہن۔ ہک ایہو جیا نظام ہے جیندے وچ خدا دی توحید، اوندی ربوبیت، خدا دے رسول دا مقدس مقام، آخرت دی پچھ پریت تے اللہ دی تابعداری، اے تاں او پاک عقیدے ہن جو آدمی دے سیرت کوں چکاتے انسانی معاشرے واسطے ہک سوہنیں اخلاق نال سجا ڈیندے ہن۔

نماز وچ جیڑھے ویلے ہک مسلمان پہلے پہلے سورہ فاتحہ پڑھدا ہے، توجہ نال، تاں اے سورہ اوندے من دے اندھیراں وچ سو جھلا پیدا کر ڈیندی ہے۔ اوندی زبان تے "رب العلمین" تے "مالک یوم الدین" دے الفاظ رواں تھیندے ہن تاں گویا او اے بہوں وڈیاں صداقتاں کوں زبان تے دل نال من رہیا ہوندا ہے۔ اے من گھنن دے بعد دل جیہڑے ویلے او نماز مکا گھندے فوراً تھکھے "یوم یقوم"



الحساب - یا - وقتاً عذاب النار - دے لفظ بولیندا ہے تاں اے آخرت دا عقیدہ اوندے خیالات وچ جذب تھیندا نظر آندے ہے - آدمی کوں اپنی ہستی مٹی نظر آندی - تکبر تے غرور ایں سوچ دے نال ہی دم توڑ ڈیندا ہے - حشر دا نقشہ جیڑھے ویلے اوندے سامنے آندا ہے تاں ڈرتے خوف خدا کنوں جسم دی لوں لوں تھر تھر کنجھدی ہے - روزہ آدمی واسطے اللہ دی رحمت ثابت تھیندا ہے - روزے نال اوندیاں اپنیاں خواہشات مک مٹ ویندیاں ہن - ذاتی حرص تے ہوس دا ناں نتیں رہندا - حرام کاری دا او تصور ہنیں کر سگدا - اوندیاں اکھاں وچ اے نور ہوندا ہے جیڑھا حرام تے حلال وچ فرق کوں واضح کر ڈیندا ہے -

جہاد تے شہادت دا جذبہ انسان کوں اللہ دی راہ وچ سرفروش بنا ڈیون دا ہک بہوں اچا ذریعہ ہے انسان مجاہد بن تے اے سمجھ گھندا ہے جو ایں سرفروشی دا انعام خود خدا او کوں میدان حشر وچ ضرور ڈیسی -

میکوں ڈسو جو ایں کنوں بے اتھے محرکات کیزھے تھی سگدے ہن جندے نال انسان بس انسان بن ونجیں -

میں آدھا ہاں خدا تے رسول برحق ہن - اے گالھ وی خدا تے رسول نے واضح کر ڈتی جو ایں دے وچ نہ کوئی شک ہے نہ شبہ - ڈھیر سارے کم ایہو جئے ہوندے ہن جیڑھے صرف اپنی ناں کوں روشن کرن تے ودھاون کیتے کر گدے ویندے ہن - اے ریاکاری ہے - این کوں اللہ تے رسول بالکل پسند نہیں کریندے - ریاکاری دا آخرت وچ وی کوئی سلہ کنینی - - نماز وی صرف دکھاوے دی پسند نتیں تھیندی - جیڑھی نماز نال انسان دا کردار سونہاں نتیں بندا، جیڑھا نمازی انساناں دے دل دکھیندا ہے او دلازار ہے - تاں ول ایں سلسلے وچ قرآن نے بہوں کھلیاں گالھیں کیتیاں ہن تے آکھا ہے جو ہر او عمل مقبول تے اچھا ہے جیندے وچ تقویٰ ہے - جیندے وچ جھوٹ نہیں اکھا ویندا - لوگ جھوٹ تے عمل وی نہیں کریندے - سچ نال انہاں کوں پیار ہے - او خود وی کھلدے ہن تے بے کوں وی کھلن ڈیندے ہن - آپ جیندے ہن تے بے کوں وی جیون ڈیندے ہن -

انسان کوں قربانی دا حکم ہے - اللہ کوں گوشت تے خون تاں پسند کنینی - اللہ تاں صرف اے چاہندا ہے جو اوندے حکم دی اطاعت ہر صورت وچ تھیوے - بھانوے جو جان ڈیونی پوے -



اہناں ساریاں گالھیں دا لب لبان اے ہے جو اسلام دے موندھی عقیداں دی آبیاری کرن تے  
 اہناں کون زندہ تے متحرک بنانوں کیتے اینکوں ہمیشہ فعال رکھن واسطے نظام عبادت ترتیب ڈتا گیا ہے ۔  
 اے ہک پکی گالھ ہے جو اسلامی عقیدے اکھاں نال نظر تاں نتیں آندے ، اناں عقیداں کون ہتھ وی  
 ہنیں لایا ونج سکدا ۔ البتہ اہناں دا عمل کنوں جیزھے ویلے اظہار تھیندا ہے تاں ول ادی ادی بن تے  
 اہناں کون محسوس وی کریندا ہے ۔

اے عمل کرن نال پکی طرح ظاہر تھی ویندا ہے جو مسلمان تاں خوشیاں وندیندا ہے خوشیاں  
 کھیندا نتیں ۔ بے دی خاطر ڈکھ گھندا ہے ڈکھ ڈیندا نتیں ۔ مسلمان تاں اپنا گراں وی بے دے منہ وچ  
 ڈیندا ہے ۔ ہمسایہ تاں اوندی جان تے جگر ہوندا ہے ۔ او تاں ہمسائے دی عزتاں دا ، زندگیاں دا محافظ  
 ہے ۔ خون دی ہولی کھینڈن دا ڈاھ مسلمان کون نتیں آندا ۔

ایہا اساڈی تاریخ ہے ۔ ایہا اساڈی ثقافت ہے ۔ یارو ڈسوہیں شے کون دہشت گردی تے بنیاد  
 پرستی آہدے ہن ؟؟ ماکوں مانجھن ، بہن کون بہن آکھن ، اپنے جسم کون لکاون ، حیاتے شرم کرن ۔۔  
 اے ساریاں چیزاں انسان کو سنجیدہ تے سوہنا بنیندیاں ہن ۔ حیوان تے انسان وچ ایہو حیا دا پردا تاں  
 بکو فرق ہے ۔ ہن حیا دے وچ توازن ہے ۔ بے دی عورت کون بہن اکھ تے ڈوچھے دی غیرت دی  
 حفاظت کیتی ویندی ہے ۔ ایں طریقے نال رقابتاں ختم تھی ویندیاں ہن ۔ دشمنیاں ہنیں تھیندیاں ۔  
 ہن طریقے نال فطرت تے جبلت نے عورت تے مرد دی قرباتاں دی جیزھیاں حداں مقرر کیتیاں ہن  
 اوندی پابندی تاں انسانیت دا حسن ہے ۔ ایندے نال ظلم تے ڈھڈھپ نتیں تھیندا ۔ اپنی مرضی کون  
 اللہ دی رضامندی نال ملاتے استعمال کرن دا بہوں چنگا موقع ملدا ہے ۔

یارو ول ڈسو اے ساریاں گالھیں امن دیاں کھنیں ؟؟

اہناں حقیقتاں کون کون انکار دی جرأت کر سکدا ہے ۔ جو جن ویلے کنوں گھن تے ہن تک ہکے  
 شہر وچ ، ہکے محلے وچ ، ہکے گلی وچ تے ہکے ہمسائیگی وچ سنی تے نیچے ، دیوبندی تے بریلوی بہوں سکون  
 تے امن نال راہندے پئے ہن ۔ مسجداں نال نال ہن ۔ اہناں کو ہک ڈوچھے دا کوئی ڈر کھنیں ، کوئی خوف  
 کھنیں ۔ نہ اے ہک ڈوچھے کنوں کوئی خطرہ محسوس کریندے ہن ۔ اے سارے لوگ زندگی دے معمول  
 والے کماں وچ مصروف ہن ۔ ہر اکہندی مسجد وچ عمومی طور تے نمازاں وی بلجماعت تھیندیاں پیاں ہن

کئی کئی مسجد چھوڑ ڈیو باقی تاں عام طور تے کتھائیں وی کوئی کشیدگی دا گمان کوئی نہی - عام طور تے جمعہ دے خطبات وی پر سکون ہن -

لیکن دل وی ایویں اچانک اخباراں وچ خبر آویندی ہے جو مسجداں وچ گولیاں چل گیاں ہن - ہماں دے دھماکے تھی گئے ہن - ایویں یک دم اے میدان جنگ کیوں بن گیا ہے ؟ اے ساریاں گالھیں سوچ دی دعوت دیندیاں ہن - - !!

اے خون دی ہولی دانواں رنگ ہے ! نہ تاں شہر دی عام سطح تے کوئی فرقہ وارانہ جھگڑے نظر آندے ہن - گلیاں تے کوچاں وچ مختلف فرقے تے سوچ دے لوک ہک ڈوجھے دا گریبان پکڑیندے ہوئے معلوم نہیں تھیندے - کوئی شور نہیں ہوندا ، کوئی ہنگامہ ، کوئی ہلاکلا ، کوئی شور شغب کئینی - ہک ڈوجھے دا حقہ پانی بند کئینی - تاں دل کیا ہے ؟ اے ہک دم کون لوک چہرا لکاتے خون دی ہولی کھیڈ دیندے ہن -

سوچو ! اے خون دی ہولی کھیڈن والے لوک سازشی ہن سازشی - - !! ایندا حل ہک ڈوجھے دی محبت تے اتفاق ہے - اساں متحد ہے - تاں دل اے سازشی اپناں گریباں آپ پھاڑن تے مجبور تھی ولین - - - !!





## ہک بے مثال تاریخی قرارداد

ایم اے پیرزادہ

ہر سال ۲۳ مارچ دا ڈیہنہ اسا کوں اے یاد ڈویندا ہے جو اج دے ڈیہنہ لاہور شہر دے وچ اج توں ۵۵ سال پہلے ۱۹۴۰ء وچ ہک ایسی بے مثال تاریخی قرارداد منظور کیتی گئی ہئی جیندے نتیجے وچ صرف ست سالوں دے عرصے وچ ہک وڈے شانناں والی اسلامی مملکت وجود وچ آ گئی۔

چونکہ ایں مملکت کوں حاصل کرن دا بنیادی مقصد اے ہا جو ایں مملکت دے وچ مسلمان آزادی دے نال اسلامی نظام حکومت قائم کرتے ایکوں فلاحی اسلامی مملکت بنا سگن ایں واسطے ایں ملک دا ناں پاکستان رکھا گیا۔ ایہدا مطلب اے ہا جو اساں پاک صاف اسلامی زندگی گزریوں تے اساڈے اعمال قرآن تے سنت دے مطابق ہوسن۔

تاریخ نے اساڈے نال وفا کیتی تے قرارداد پاکستان کوں منظور تھیون کونوں پہلے تے منظور تھیون دے بعد دیاں ساریاں شانناں والیاں گلھیں آپنیں جھولی دے وچ محفوظ رکھیاں۔ ۵۵ سالوں دے عرصے وچ تقریباً ترے لسلاں ایں قابل تھیاں جو انھاں نے کتاباں وچ ایں قرارداد کوں پڑھاتے انھاں کوں ملوم تھیا جو انھاں دے اسلاف صالحین نے مسلماناں دے حقوق دی نگرانی کتنی قربانیاں نال، کتنے خلوص نال تے کتنی نیک نیتی نال کیتی۔

اسلامی کلچر دیاں بنیاداں تاں ولی اللہ کرام نے تے صوفیاء کرام نے مضبوط کتیاں ہن۔ انھاں

بنیاداں اتے عمارت کھڑی کرن واسطے وقت دی رفتار دے نال نال جمال الدین افغانی، سرسید احمد خان، عبداللہیم شرر، خواجہ الطاف حسین حالی، مولانا محمد علی جوہر، مولانا شوکت علی، مولانا حسرت موہانی، مولانا ظفر علی خان، علامہ اقبال تے قائد اعظم حضرت محمد علی جناح نے دنیاں دی تمام قوماں کوں حیران کر ڈتا، انہاں دے واسطے حیرانی والی گالھ اے ہئی جو ہک کاغذی قرارداد کوں مسلماناں دے رہنماواں نے بندواں تے انگریزاں دی مخالفت دے باوجود تھوری مدت دے وچ ہک عظیم الشان ملک کیویں بنا ڈتا؟

اساں قرارداد پاکستان نال بے وفائی کیتی - آپنیں بزرگ سیاستداناں نال بد عہدی کیتی - انہاں دیاں قربانیاں کوں برباد کر ڈتا - انہاں دیاں پاک روہاں کوں آزار پہنچایا - پاکستان بن و نہن دے بعد اساں آپنیں پیراں تے آپ کہڑیاں مارتے آپنیں قومی تے ملی پہچان کوں خون و خون کر ڈتا -

بکھار دی آوی وانگوں پورا ملک اندر اندر سڑدا ویندا ہے - ادھے ملک کونو وی زیادہ ملک دا حصہ کھسوا بیٹھے ہیں - باقی جیڑھا ملک دا حصہ بچ گیا ہے اوکوں وی اندر خانے تروڑن تے برباد کرن دے پچھوں ہتھ دھوتے پئے گئے ہیں - اسلام تے پاکستان دیاں منیاں منایاں وڈیاں اسلام دشمن تے پاکستان دشمن طاقتاں دے اشاراں تے نجدے دے ہتھیں - بے غیرتی تے بے حسی اتنی ودھ گئی ہے کہ اساڈے ملک وچ جیکوں وی حکومت ملدی ہے اوہو اے چاہندا ہے جو ملک راہوے یا نہ راہوے اوندا اقتدار تے اوندی حکومت باقی رہ وڄے -

کوئی وی پچھاں دل تے اپنے ملک دے اقتدار دے زوال تے عروج دی تاریخ وچ جھاتی پاتے عبرت حاصل نہیں کریندا - حضرت قائد اعظم تے شہید ملت لیاقت علی خاں دے بعد جتیاں حکومتاں وی آیاں ہن او ملک دی حفاظت، اسلام دی شان و دھاون، نادار تے مفلس قوم دی تقدیر بدلن واسطے مخلص نہ ہن - کڈے گیا سکندر مرزا، کیا بنیں ایوب خاں نال، کینویں ذلیل تھیا جی خاں، کینویں رسوا تھی تے قتل تھیا مجیب الرحمن، کیڈے دبدبے والا، کیڈی طاقت والا کچھا ویندا ہا ذوالفقار علی بھٹو - قدرت نے پکڑ کیتی تاں ہک ایسے بندے نے اوکوں کو پٹی دی طرح مسل تے رکھ ڈتا جیڑھا اوکوں رات ڈنہہ سلوٹ مہیندا ہا - صدر ضیا مرحوم نے امیر المومنین بن و نہن دی خواہش وچ آپنیں اقتدار کوں دائمی تے قائمی بناون واسطے کیڈے ہتھ پیر مارے - کتیاں کوششاں کیتیاں - آخر انجام کیا تھیا -



جیڑھا جہاز ہزاراں میل سفر کریندا ہا اوہک میل دے فاصلے تے ایویں ونج ڈٹھا جو اوندے وچ بے فکری نال سفر کرن والاں داناں تے نشان وی نہ ملا۔ ہک حکمران دے نال بیاسی کئی قیمتی جاناں ضائع تھیں گئیاں۔ لاشاں تے ہڈیاں سڑتے سوا تھیں گئیاں۔

### فاعتبروا یا اولی الابصار

اللہ نے قرآن نال سکھایا، اساں نہ سکھے۔ پیغمبر آخر الزماں سوہنے من موہنے حضرت محمد الرسول اللہ صلی اللہ علیہ وسلم دے وسیلے نال سکھایا، اساں نہ سکھے۔ زوال دیاں داستاناں دہرا دہراتے اسا کوں سبق ڈیون دی کوشش کیتی، اساں عبرت حاصل نہ کیتی۔ غریب عوام تے مراعات یافتہ حکومت کرن والا مخصوص طبقہ اقتدار دی جنگ وچ اتنا بد مست تے بے رحم تے نا انصاف تے بد اعمال تھیں گیا ہے کہ اسلام دی اخوت والی رسی کوں انھاں نے تروڑ ڈتا ہے۔ جمہوریت دی رواداری تے ہک ڈوجھے کوں برداشت کرن دی روشن روایت کوں انھاں نے ذاتی دشمنیاں دے وچ بدل ڈتا ہے۔ کوئی اصول دی گالھ باقی نتیں رہ گئی۔

چھوٹے عام بندے کونوں لاتے وڈے وڈے تمن داراں، وڈیریاں، صنعت کاراں، پیراں تے ملواڑاں تک سارے دے سارے لوگ پیراں کونوں لاتے سر تک برے عملاں دے چکڑ نال لتھڑے پائے ہن۔ کہیں دا وی دامن صاف کوئیں۔ کہیں کوں وی قوم دا درد کوئیں۔ کہیں کوں وی ملک دے بچاؤن دی فکر کوئیں۔ کیا تھیں تے کیا بن سی؟

اے اللہ تو آپنیں پیارے محبوب دے صدقے اساڈے اتے کوئی عذاب نہ بھیجیں تے تو میڈے مولیٰ اسا کوں چنگا بنن دی توفیق ڈے۔ اساں خوار ہیں، بدکار ہیں، بد اعمال ہیں، بد خصال ہیں، بد کردار ہیں۔ اساں مینندے ہیں جو کوئی وی گن اساڈا چنگا کوئیں۔ اساں جو کجھ وی ہیں ول وی تیڈی جیب دی امت وچوں ہیں۔۔۔

اے خاص خاصان رسل وقت دعا ہے  
امت پہ تری آ کے عجب وقت پڑا ہے

## تکلف برطرف (اردو)

سید دین محمد شاہ

ٹوپوں کی دکان کے باہر ایک جمائی سائز کا ”ٹوپ“ ٹکا ہوا آپ نے کبھی دیکھا ہے ، اور اس کے نیچے یہ عبارت ”افسوس مجھے پہننے والا کوئی نہ ملا“ بس وہی حال ہمارا ہے۔ یارو ہمیں سہ ماہی رسالے ”سرائیکی“ کا خریدار کوئی نہیں ملا تو ہم کس کو ٹکائیں؟ آپ کا اشارہ مدیر کی طرف تو نہیں؟ مگر آپ اس کی وجوہات سن لیں پھر جو فیصلہ آپ کا ہو گا ہمیں منظور ہے۔ وجوہات تو بہت ہیں، جو بھی ہیں دکھ یہ ہے کہ اس کا خریدار کوئی نہیں۔

پہلی وجہ تو شرح خواندگی ہے۔ ایک لڑکے سے کسی نے اس کی عمر پوچھی اس نے جواب دیا کہ گھر میں چودہ سال ہے، سکول میں بارہ اور ریل میں آٹھ سال۔ اسی طرح ہمارے ملک میں شرح خواندگی کاغذوں میں 20% ہے، یونیسیف کو بتانے کے لئے۔ مگر حقیقت کچھ اور ہے۔ جہاں شرح خواندگی اس قدر کم ہو وہاں ہماری محنتوں کا صلہ کون دے گا؟ پھر ان پڑھے لکھوں میں بھی کتنے ہیں جو سرائیکی زبان پڑھ سکتے ہیں۔ اپنے ہی وسیب میں ہزاروں میں ایک۔ گورنر موسیٰ کے زمانے کا ایک محاورہ مشہور تھا ”لکھے موسیٰ پڑھے خودا“۔ یہی حال ہمارا ---- ہم خود ہی لکھتے ہیں اور خود ہی پڑھتے ہیں۔ بعض دفعہ تو ہم سرائیکی لکھ لیتے ہیں مگر پڑھواتے کسی دانشور سے ہیں، اور داد پاتے ہیں۔

ہمارے رسالے کی خریداری کی اتر صورت حال اس وجہ سے بھی ہے کہ موضوعات خالصتاً علمی ہیں اور علم فی زمانہ وہ دولت ہے جو دن بدن ڈی ویلیو ہو رہا ہے۔ ہمارے رسالے میں نہ سنسنی خیزی ہے، نہ سپنس نہ سیکس۔ اخبارات بھی آج کل وہی زیادہ مکتے ہیں جن میں رنگین تصویریں ہوں، خوشخبریاں یا چاہے بد خبریاں، بم دھماکے، قتل، اغوا اور ڈاکے کے بارے میں معلومات ہوں، جبکہ ہمارے رسالے کی سطر سطر سے امن و امان جھانکتا ہے۔ ہمارے رسالے میں جو غزلیں چھپتی ہیں ان سے بھی معرفت چھلکتی ہے، دراصل چھلکتا ہمارا بڑھاپا ہے!

ادھر عوام کی خوش ذوقی کا عالم یہ ہے کہ ہر شخص، حسب توفیق، دس اٹھینے کے زیر اثر سارا دن ٹی وی کے سامنے بیٹھے رہنے کی خواہش کرتا ہے اگر اس سے فرصت ملے تو اسی سے ملتی جلتی فلمیں، جن میں مار دھاڑ، ڈسکو ڈانس اور کلاشکوف کا آزادانہ استعمال دکھایا گیا ہو۔ ہمیں ایک ”اسلامی“ فلم کا سین یاد ہے جس میں ہیرو نے دوشیزہ کی چیخیں سن کا اچانک اپنی گاڑی روک لی۔ دیکھا تو ایک طرف حسینہ ہے اور سری طرف درجن بھر مکار و عیار غنڈے اس کو نوچ رہے ہیں۔ کیا سین تھا ---- پلک جھپکنے میں ہیرو نے



کراٹے کے وہ ہاتھ دکھائے اور مکوں کی وہ برسات ہوئی کہ غنڈے سب دم دبا کر بھاگ گئے۔ آپ اندازہ کریں کہ لیر لویراں کپڑے، سسکتی الزلہ جوانی، اور ستم بالائے ستم، اسی تنہائی میں کڑک چمک کیسا تھ بارش شروع! ظالم سماج ایسی مصوم لڑکی قبول نہیں کرتا تو ہمارے بے رنگ، بے ذائقہ رسالے کو کون قبول کرتا ہے!

یقین کریں آج اس آلودہ ماحول میں سنجیدہ ادب کی کوئی وقعت نہیں۔ آج پیار بھی سمرثل ہے۔ احترام میں سیاست ہے کلاسیکل ادب کی مارکیٹ ڈاؤن ہے، تالے پڑے ہیں۔

اچھی شاعری، اچھے سفرنامے، کہانیوں اور افسانوں سے بھی رونق ہو جاتی ہے مگر بے رونقی کی اصل وجہ مہنگائی ہے۔ اچھی کتاب گھر میں نہ آئے تو اتنا فرق نہیں پڑتا مگر اچھی دال نہ پکے تو جان کے لالے پڑ جائیں۔ 70 روپے کی ایک کتاب یا 70 روپے کا ایک کلو گوشت! فیصلہ تو اس میں کرنا ہے کہ جسم اور روح کے رشتے کے لئے کتاب کے ورق قوت بخش ہیں یا گوشت کی یونیٹ۔

پھر ایسا معلوم ہوتا ہے کہ آج کے فوری مسائل دال گوشت بھی نہیں، سیکس کا جرم بھی کمتر ہے۔ آج تو جھگڑا ہی سیاست اور مذہب کا ہے۔ کونسی پارٹی یا کونسا مسلک۔ ان سلگتے مسائل کا فی زمانہ بڑا چرچا ہے۔ سیاستدان کی مانگ ہے یا ملاکی اور یہ گھنٹیاں چھیڑنا یا سلجھانا ہمارے مقدر میں نہیں۔

چنانچہ ہم اپنا علمی، ادبی مجلہ شائع کر کے ہر بار With Compliments تقسیم کرتے ہیں۔ اس کی قیمت فروخت کے بارے میں سوچنا تک چھوڑ دیا ہے بلکہ ہمارے تحفے کو اگر کوئی مہربان مفت قبول کر لے تو ہم غنیمت سمجھتے ہیں اور مشکور ہونے کی بجائے شکر گزار ہوتے ہیں۔

اللہ تعالیٰ پنجاب حکومت کے شعبہ اطلاعات و ثقافت کو دن دوئی رات چوگنی (اب رات کی عدالتیں بھی شروع ہونے والی ہیں) استطاعت عطا فرمائے کہ جس کے مالی تعاون سے اس کی اشاعت کا سلسلہ قائم ہے۔ اسلامیہ یونیورسٹی کے شعبہ سرائیکی جیسی سوتیلی ماں کے باوجود ہم نے ہمت نہیں ہاری۔

ہمیں آج اگر اس کا معاوضہ نہیں مل رہا یا اس کی قدر دانی نہیں ہو رہی تو بھی ہم مایوس نہیں اور نہ یہ سمجھتے ہیں کہ ہم نقصان میں جا رہے ہیں۔ ہمارے لئے ایک مسئلہ مواد اکٹھا کرنے کا ہے۔ مواد اعلیٰ سے اعلیٰ تخلیق ہو رہا ہے۔ ساری مشکل تلاش کرنے کی ہے۔ اس کا حل ہم نے یہ نکالا ہے کہ آدھ درجن مدیر بنا ڈالے ہیں، اور ایک سے ایک بڑھ کر اعلیٰ اور جس روز ڈگری اور انٹر سطح تک سرائیکی مضمون کی تدریس شروع ہوئی یہ مشکل مشکل نہیں رہے گی۔ ہمارے رسالے کی مانگ بڑھے گی اور قدر بھی، جس کے لئے سرائیکی ادبی مجلس 91ء سے کوشاں ہے۔ فی الحال یہی گنگناہٹ ہے۔

۔ اولالہ، کیا سناواں حال دل دا

ترجمہ: علامہ محمد عزیز الرحمن مرحوم

اردو

کلام فرید (کافی)

سرائیکی

انہد کی بانسری نے خوب باتیں بتائیں - پوشیدہ  
راز اور انوکھی گھاتیں اس نے سمجھا دیں -  
جھوٹے ذات صفات جو ہم نے بنا رکھے تھے وہ  
سب گم ہو گئے اور وہ دور پیش نظر ہو گیا جب اللہ  
فرمائے گا آج ملک کس کا ہے اور جواب میں  
صرف یہی کہا جاسکے گا ، ایک اللہ کا جو سب پر  
غالب ہے -

شراب طہور کے ساغر پی پی کر ہم بے نظیر مست  
عاشق ہو گئے ہیں - نماز کے دو گانے اور روزے  
ہم نے بھلا دیئے اور رندی مسلک کا سوانگ رچا لیا  
ہے -

یہ جاہل کتابوں کے کیڑے اس پاک اور کھری  
روش ( توحید و جود ) کو کیا جان سکتے ہیں - وہ  
ذات مطلق جو واحد اور بے قید ہے ہر صورت  
میں اس کا جلوہ ظاہر ہے -

جب توحید کا ایک اشارہ ملا تو دل کتابی علوم سے  
آزاد ہو گیا اور فرید نے فریدیت اور انانیت سے  
علیحدہ ہو کر توحید کا وعظ سنایا -

بنسی خوب بتایاں باتاں  
گجھڑے راز انوکھیاں گھاتاں  
گم تھیاں کوڑیاں ذات صفاتاں  
لمن الملک دا دورہ آیا

خمر طہوروں پی پیمانے  
تھیوے عاشق مست یگانے  
بھل گئے صوم صلوٰۃ دو گانے  
رندی مشرب ساگ رسایا

جانے کون گنوار مقلد  
وہ وہ ریت مقدس جید  
تھی مطلق بے قید موحد  
سبھ صورت وچ آپ سمایا

جب ہک رمز ملی توحیدوں  
دل آزاد ڈٹھم تقلیدوں  
تھیکر فرد ، فرید! فریدوں  
سری رومی وعظ سنایا

(گزشتہ سے پیوستہ)

پیشکش: سید دین محمد شاہ





## حضرت خواجہ غلام فرید دے کلام وچ سوز تے گداز

: \* : \* : \* : \* : \* : \* : \* : \* : \*

مختار احمد پیرزادہ

حضرت خواجہ غلام فرید رحمۃ اللہ علیہ ہک بہوں اچے مرتبے والے صوفی تے شاعر گزرے ہن۔  
 انہاں دے کلام دا ہک ہک شعر اللہ سائیں دے تے حضور پاک دے سچے عشق وچ رنگا ہویا اے۔  
 پورے ہند تے پورے پاکستان وچ اردو، پنجابی، پشتو تے بلوچی زبانناں دے وڈے وڈے شاعر تے  
 دانشور اج تئیں انہاں دے کلام دیاں صفتاں تے شاعری دے فن دے کمالات کوں مینندے ہن۔  
 تے ہر بندہ ایں گالھ کوں میندا ہے کہ خواجہ فرید دے کلام وچ سوز تے گداز دی جیڑی لذت موجود  
 ہے او ایں واسطے لافانی ہے کہ آپ پھلے صوفی باصفا ہن تے بعد وچ شاعر ہن۔

انہاں کوں دنیا دی مادی لذتاں نال کوئی واسطہ کوئی نیں۔ دل وچ، دماغ وچ صرف خدا دی  
 ذات دا دھیان ہے تے دنیا دی ہر شے وچ جیڑھا سڑھپ ڈیکھدے ہن ہونڈے وچ خدا دے سڑھپ کوں  
 پسندے ہن۔ انہاں دا کلام اساں گہنگار بنداں کوں نیکی تے توحید دی راہ دکھیندا ہے۔ ہن گاہوں سید  
 عطاء اللہ شاہ بخاری جیہا فقیر تے قلندر بندہ وی انہاں دی شخصیت کوں نیکی دا بہوں وڈا درجہ ڈیندے  
 ہوئے انہاں دے عارفانہ کلام توں متاثر تھی تے دل دی محبت نال اے فریندا ہے۔۔۔

سرمہ چشم شد بخاری را  
حاک پائے غلام خواجہ فرید

خواجہ فرید عشق حقیقی دی مستیاں وچ مست تھی تے اے پیغام ڈیندے ہن جو حضور پاک  
دی رسالت دی برکتاں دی طفیل جیڑھے ویلے خدا دی ذات نال محبت پکی تھی ویندی ہے اوں ویلے  
دل دے سارے ڈکھڑے بھل بھلا ویندے ہن تے اے عشق گہنگار بندے کوں دنیا دی مجازی لذتاں  
کنوں ہٹاتے رب دی ذات دی طرف گھن ویندا ہے۔ آپ فریمندے ہن۔۔

قسم خدا دی، قسم نبی دی۔۔ عشق ہے چیز لذیذ عجیب  
عشق ہے ڈکھڑے دل دی شادی۔۔ عشق ہے رہبر مرشد ہادی  
عشق ہے ساڈا پیر۔۔ جین کل راز کھجھایا

جڈن وی دنیا مادی خیالاں دا شکار تھئی ہے دلاں دے سکون ختم تھی گئے ہن۔ عشق، معرفت  
تے روح دی طاقتاں نہ من دی کوششاں تھیندیاں پیاں ہن۔ خدا دی مخلوق گندے گندے  
خیالاں دا شکار تھیندی ویندی ہے تے اے عقل دے بہنیں خوش ہن کہ اساں وڈے دانا ہیں۔ ہک  
اردو شاعر اہناں دانشوراں توں گھبراتے خواجہ فرید جیہے دل والے کوں یاد کریںدا ہے۔۔

کوئی تو ہو جو کبھی دل کی بات بھی کہہ دے  
عجیب دورِ خرد ہے سبھی ہیں فرزانے

خواجہ فرید دا ہجر دا غم وی دنیا توں انوکھڑا ہے۔ کوئی اساں جیہا دنیا دی محبتاں وچ مست بندہ  
اہناں دے شعراں کوں سنے تاں ایویں سمجھے جیویں اوندی دل دی گالھ تھیندی پئی ہے تے او اپنے  
بحن من موہن کوں یاد کرتے رنے تے توپے۔ جیکر کوئی خدا دی محبت وچ مست ہوئے تاں اللہ والا  
بندہ رب دی ذات کوں یاد کرتے کرلاوے۔ سید عابد علی عابد اردو زبان دے مشہور تنقید نگار ہن۔  
اہناں شعر دی تعریف کریںدے ہوئے اے آکھیا ہے، "شعر او لازوال تے لاثانی ہوندا ہے جیڑھا  
حقیقت تے مجاز دا سنگم ہوے۔" خواجہ فرید نے اتھے فن شاعری دے کمال کوں وی پورا کیتا ہے تے  
رب دی ذات دی جدائی وچ رت دیاں بہنوں وی وہانیاں ہن۔۔

ہجر سوا کوئی سود نہ پائیم



چوٹیاں کھتم حال ونجاہم  
مٹاں کیتیم سس نوایم  
نک گھرڑیدیں گھس پیا

بجری لذتاں کوں کیڈی عاجزی تے انکساری نال خواجہ فرید نے بیان کیتا ہے - جدید رنگ وچ  
وی شاعر بجدے سولاں وچ توپدے نظر آندے ہن - ہک شاعر لکھدا ہے --  
اب دل کو کسی کروٹ آرام ہنیں ملتا  
اک عمر کا رونا ہے دو دن کی شناسائی  
ایں شعرتوں اے اندازہ کرن دا موقع ملدا ہے جواج تک شعرا خواجہ فرید جے مست موالی  
فقیراں وانگوں بجدے درداں وچ کرلاندے ودے ہن - شاعری دا کمال ڈیکھو جو کجھ خواجہ فرید آدھے  
ہن ایویں ہر ہک کوں معلوم تھیندا ہے جیویں اوندے دل دی گالھ کیتی دیندی پئی ہوئے - اے  
صفت کوئی صرف غالب دے کلام وچ نیں، اساڈے خواجے نے وی شاعراں دے ذوق تے فن دا  
کمال پیش کیتا ہے --

دیکھنا تقریر کی لذت کہ جو اس نے کہا  
میں نے یہ سمجھا کہ گویا یہ بھی میرے دل میں ہے

اصل وچ جیڑھے ویلے شاعر فراق تے بجدیاں گالھیں سوز تے گداز کلام وچ پیدا کرتے بیان  
کریندا ہے اوں ویلے اوں کوں پھڑکن وچ وصال دیاں لذتاں کنوں دی زیادہ مزہ آندا ہے - ایں  
گالھوں کہ او سچا عاشق بن تے دلوں ایں خواہش وچ رہندا ہے کہ میں شوق دی بھا کوں ایویں بالی  
رکھاں تے دسما نہ ڈیواں تے دھاں آپنے سخن من موہن کوں ڈیندا ہے کہ توں میکوں کیوں بجد وچ  
تو پیندا ہیں - خواجہ فرید وی ہک بالکمال شاعر وانگوں ایں مضمون وچ بہوں سوسنا رنگ بھریندے  
ہن -

مٹھری موئی نوں خوشیاں نہ پھلڑیاں  
ڈوڑے ڈراپے تانگھاں اولڑیاں  
جانی امڈا پیتاں کلڑیاں

ہے ہے اڑایا اکھیاں اجایا  
 اہناں شعراں دی حقیقت کوں اوں ویلے پہچانا ونج سگدا ہے جیزے ویلے دل وچ ایمان دی  
 تے توحید دی روشنی ہوے۔ نیں تاں صرف اے سکھا ویسی کہ اے شعر دی وارث شاہ یا بے کج  
 ڈو جھے دنیاوی محبت رکھن والے شعرا دا کلام ہے جیزے صرف شاعر ہوندے ہن تے صوفی با صفائے  
 ولی اللہ نیں ہوندے۔ اقبال ایں فرق کوں ایں طرح بیان کریندا ہے۔۔

ہم خاک نشینوں کا جو ظاہر وہی باطن  
 یہ صاحبِ دولت جو عیاں اور نہاں اور  
 اے دیدہ ورو! فرق کرو عشق و ہوس میں  
 شمعوں کا دھواں اور ہے آہوں کا دھواں اور

خواجہ فرید ہک جا اپنے جہن من موہن کوں ایں گالھ دا گلا ٹہندے ہن جو میں فراق وچ تو پدارتھ  
 تے مردار تھم تو میڈے پیارے جانی آں میڈی کوئی خبر وی نہ کیتو چا۔ تیڈے نہ آون نال میڈے یار  
 تے دوست میڈے اتے کھلاں کریندے ہن تے آدھن بس ایہو یار بنایا ہادی جھیکوں یاد کتوئی تے آیا  
 وی نا۔ فریئندے ہن۔۔

کوئی چمکھن نہ دیکھے آیم  
 ہتھوں اٹا عالم کھلدا

میڈے خیال وچ اج دے ہک شاعر نے وی خواجہ صاحب دی ایں گالھ کوں ضرور پڑھا ہوی  
 تے نویں رنگ وچ کیڈا سونا خیال ظاہر کریندا ہے۔۔

خود اپنے شہر میں میں آج اتنا تنہا ہوں  
 کہ میرے دوست بھی وحشت سے میری نالاں ہیں

خواجہ فرید دا سچا عشق چاہندا اے ہے جو ساری عمر یار کوں گولاں ودا۔ تے اپنے جہن دے  
 وچھوڑے وچ فریئندے ہن۔۔

دل یار کیتے کرلاوے  
 تو پاوے تے غم کھاوے



ڈکھ پاوے تے سول نبھاوے  
اے طور تیڈے بے دل دا

ول فریہندے ہن --

تا نگھیں تپایا مونجھیں مسایا  
سولیں ستایا نیڑے ہرایا

اصل وچ خواجہ فرید اپنے سخن دے ظلمات کوں تے اوندیاں بے پردایاں کوں ایڈے سوز تے  
گداز نال ایں خاطر پیش کریندے ہن جو اسا کوں کچے عشق وچ درداں دے چاون تے سہون دا سبق  
ملے تے اساں ایں حقیقت کوں جاذبِ بختان سگوں جو غم دیاں راتاں وچ عاشقاں دے توپن دے نال کیا  
آداب ہوندے ہن - ہک شاعر نے وی میڈی ایں گالھ دی ترجمانی کیتی ہے --

شبِ الم کے بھی ہوتے ہیں کچھ نہ کچھ آداب  
توپنے والے سحر تک تو انتظار کریں

خواجہ صاحب شوق دی بھاکوں بھڑکیندے ہوئے اپنے سخن دے ظلمات دی دھاں ڈیندے ہن  
تے فریہندے ہن --

جام زہر دے ظلم قہر دے  
درد پلیندا گھٹیاں گھٹیاں

میڈے سائیں ذرا ہک ہک لفظ کوں دل دے درد والی اکھ نال ڈیکھو - ایہو جی مثال ارج تک  
کہیں شاعر دے کلام وچ سوز تے گداز دی نہ ملی جو زہر دے پیالے کوں ایں طریقے نال پلاتے ظلم  
کیٹا گیا ہوے جو پیون والے کوں حکم ڈتا ونجے جو توں زہر وی پی لیکن ہکے ساہ وچ پیالہ خالی نہ کریس  
ذرا سوچو تاں سہی جو کیڑھا ایہو جیا بہادر ہوسی جیڑھا زہر کوں زہر سمجھ تے پیوے تے پیوے وی ہک  
ہک گھٹی کرتے - ظالم دے ظلم کوں تے زہر پیون دے سخت تکلیف والے طریقے کوں فرید دے بغیر  
بیا کون بیان کر سکدا ہے -

ارج نویں دور دے غزل گو شاعر عدم نے وی ڈاڈھی کوشش کیتی ہے جو سخن دے ظلمات کوں  
بھلاون واسطے شراب تے جام دا آسرا گدا ونجے - عدم آدھا ہے --

آؤ پھولوں کی آگ پی جاؤ  
دور صہبائے ارغوانی ہے

دل آدھا ہے --

آج تنگی بہت زیادہ ہے  
ڈال کر زہر جام میں لاؤ

پہلے شعر وچ عدم شراب دی زہریلی کیفیت کم کرن واسطے تے زہر دے خوف کوں گھٹاؤن واسطے  
تے اوں خوف کوں خوشگواہی وچ بدلن واسطے پھلاں دا ذکر کریندا ہے۔ رنگ اوندا سہنا تے ارغوانی  
بیان کریندا ہے تاکہ پندے ویلے کوئی ڈر ڈکل عاشق کو محسوس نہ تھیوے تے او زہر دی صرف طلب  
کریندا ہے۔ لیکن اپنے آپ کوں زہر نہ ہک ساہ وچ پیندا ڈکھیندا ہے تے نہ گھٹیاں گھٹیاں پیندا ہے۔  
لیکن میڈا پیارا فرید ایویں معلوم تھیندا ہے جیویں اپنے محبوب دے حکم دی تعمیل وچ اوندے سائے  
پیندا وی بیٹھا ہوئے تے پیوے وی گھٹیاں گھٹیاں۔

خواجہ فرید اپنے سخن دی بے وفائی تے بے پروائی کوں مٹھے لفظاں وچ بیان کرن دے قائل  
ہن۔ اہناں دے کلام وچ شکوہ وی ہے تے ہے وی بہوں کولا کولاتے سہنا سہنا۔ فرید اے چاہندے  
ہن جو شکوے وچ کنڈا وی چھے میڈے یار جانی کوں محسوس وی نہ تھیوے تے اوندی بجائے پھلاں  
دی خوشبو اوں کوں آوے تاکہ اوندے مزاج وچ کوئی تنگی پیدا نہ تھیوے تے اوندا دل ڈھیر ماندانہ  
تھیوے تے او بہوں رُس نہ ونجے۔ فریہندے ہن --

مساک ملیندی دا گزر گیا ڈینہہ سارا

سنگھار کریندی دا گزر گیا ڈینہہ سارا

کجلا پاپم سرخی لایم کیتیم یار وسارا

میڈے سائیں! ذرا ملاحظہ تاں فرماؤ جو کیویں یار دے نہ آون تے میڈا فرید او کوں شرماؤن والا  
کوشش کریندا ہے۔ اج دے ہک شاعر نے وی شکوہ ڈیون دی چنگی کوشش کیتی ہے۔ لیکن اہا  
شکوے آؤ گالھ نیں بن سگی جیڑھی فریڈ نے بنائی ہے --

یہ وفا کی سحت راہیں یہ تمہارے پائے نازک



نہ لو انتقام مجھ سے مرے ساتھ ساتھ چل کے  
 خواجہ فرید عشق دی کنڈاں والی راہ تے چلدے وی ہن تے کھلدے وی ہن - سر پھانسی تے  
 ڈیندے ہن تے ڈیندے بسم اللہ پڑھتے ہن - اہو جیا صبر انوالا عاشق کتھوں ملدا ہے --  
 پڑھ بسم اللہ گھولیم سر کوں -- چاتم عشق اجارا  
 سروی قربان کیتی کھڑن تے آدھے کیا ہن جو میں عشق دا اجارا وصول کر گدا ہے یعنی اوندی  
 قیمت پاگدی ہے - ہن میکوں کوئی ڈکھ نیں - اج دے ہک شاعر نے وی خواجہ صاحب دے صبر اندی  
 وی تائید کیتی ہے --

قائم رہی جنوں میں بھی اک وضع احتیاط  
 دل خون ہو گیا ہے مگر آنکھ نم نہیں  
 خواجہ فرید معرفتِ خداوندی وچ بڈے ہوئے ہن جو دنیا دی ہر شے وچ اہناں کوں آپنے  
 پیارے رب دا سبھ نظر آندا ہے - محبوب دا حسن جمال ہوئے بھانویں کچلے والی اکھ ہوئے - بھانویں  
 قدرت دے سوہنے سوہنے تے من موہنے نظارے ہوون فریہندے ہن --  
 سانولیاں دے نین سلوئے ، کچلے دے ٹک ٹول  
 پاپن چکوری کر کر چیکاں اہڑے زخم نہ چول  
 خواجہ فرید وی اقبال دی تائید کریندا ہے - آدھا ہے --

کچھا نہیں ہے سوز مرا عشق بے ثبات  
 تو کائناتِ حسن ہے یا حسن کائنات  
 خواجہ فرید عقل اتے کون و مکان دیاں خداں توں بہوں اگھاں ٹپ دیندے ہن ، عبادت ،  
 افکار تے اذکار کوں محض خدا دی ذات تک پہنچن دے ابدائی مراحل سمجھدے ہن - اہناں دے  
 نزدیک انسانیت دی انچائی تے معراج صرف فنا فی اللہ ہون وچ ہے تے او اسا کوں سبق دیندے ہن  
 جو ایں فنا فی اللہ دے درجے تک پہنچاون والی صرف عشق والی راہ ہے --

چھٹے اکروں لنگھے پھلکڑوں ، عبادتوں اتے فکر  
 گزر کر ذاکروں ذکروں ، نکل گئے کون امکانوں

پیارے فرید نے جیڑھا معرفت دا موتی عشق وچ جاتا ہے اوہو موتی اساڈا فلاسفر شاعر علامہ  
اقبال نویں روشنی دے تمام علماں دی چھان بین دے بعد آخر کار اپنیںدا ہے - آدھا ہے - -

زمانہ عقل کو سمجھا ہوا ہے مشعل راہ

کے خبر کہ جنوں بھی ہے صاحبِ ادارک

خواجہ فرید دا اے ایمان ہے جو صرف کتاباں دا علم حاصل کرتے کوئی بندہ وی خدا دی ذات  
دی معرفت حاصل نیں کر سگدا جے تیں سلوک دی راہ اختیار نہ کیتی ونجے - ولی اللہ دی صحبت وچ  
ہوں نال دل وچ سوزتے گداز پیدا تھیندا ہے - اساکوں آپنی تارتخ دے ورقاں وچ اے مثالیں واضح  
طور تے ملدیاں ہن جو صوفیاء کرام کوں مال تے دولت نال کوئی عشق کوئناں ہاتے ہوں نیک ہوں  
دے باوجود وی آپنے آپ کو گہنگار سمجھدے ہن - انہاں دی طبیعتاں وچ پھلاں والی نرمی ہئی تے  
نصیحت وچ عاجزی تے انکساری ہے - اے انہاں دا اخلاق ہئی جو کافر وی مسلمان تھی گئے ہن - او  
صرف مسیتاں تے خانقاہاں وچ بہہ تے نہ عبادتاں کریندے ہن تے نہ کوئی اپنی دکانداری بنیندے  
ہن تے وقت جہاد دا آنجیں ہاتاں شمشیر زنی دے ماہر نکلدے ہن تے جہاد فی سبیل اللہ کوں ایمان  
تے اسلام دی روح سمجھدے ہن -

ہن اج دے عالم تے مولوی جہناں وچ کچھ خدا دے نیک بیٹے وی موجود ہن انہاں کوں چھوڑ  
تے باقی اکثریت ایسے بنداں دی ہے جہناں دے کول کتاباں دا علم تاں ہے لیکن عمل صالح کوئی نیں  
او آپنے علم کوں صرف روزی دا بہانہ بنائی ودے ہن - انہاں طبیعتاں وچ مغروری ہے - نصیحت وچ  
کنڈے دی چوبھ ہے - انہاں کافراں کوں تاں کیا مسلمان بناواناں ہا مسلماناں کوں وی مسلماناں نال  
لڑاتے دین اسلام کوں کمزور کریندے پے ہن - اج کوئی جہاد دا بلاوا آونجے تاں نہ مال ڈلیں تے نہ  
جان قربان کر لیں - صرف زبان دے واعظاں نال تاں اسلام دی روح زندہ نیں تھیندی - خواجہ  
فرید فریندے ہن - -

عشق دی بات نہ سمجھن اصولوں ، اے ملوانے اکھرے

مفکر اسلام علامہ اقبال نے وی خواجہ فرید دے ایں دعوے دی تصدیق کیتی ہے - -

کیا ہے تجھ کو کتابوں نے کور ذوق اتنا

صبا سے بھی نہ ملا تجھ کو بوئے گل کا سراغ



... نمونہ سی حرفی ...\*

حضرت خواجہ حافظ محمد جمال اللہ ملتانی

.....\*

۱

اٹھی دھیانت جاگ سویلے توں سن دھی سیانی  
گھن چرکھا بہہ کتن کیتے بہوں ہے رات وہانی  
ایہو ویلا تیڈے ہتھ نہ آسی تو سن دھی ایانی  
او تھ جمال سہاگن سو ہے جو شودے من بھانی

ص

صفائی نال دھیا توڑے کت پی ہکا چھلی  
ٹھلے ستر دے کتن کولوں متد نکیری بھلی  
ساری عمر دا کیتا ونجایو گھت کے متد اولی  
فضل جمال اللہ دے باجھوں کائی نہ تجھے گلی

۲

مان نہ کر سہاگ داتے بہہ نہ بانہہ در گھیر  
چوڑے والی کئی جنی بانہوں بٹیاں ڈھیر  
اتھاں پا نہ کیتا ای اتھاں منگسن سیر  
آون نہ ڈلین پیکڑے کتن نہ ڈلین پھیر



## حضرت خواجہ غلام فرید

### تصوف دے شیشے وچ

\* = \* = \* = \* = \* = \* = \* = \* = \* = \* = \* = \* = \* = \* = \* = \*

محمد نواز انیس پیرزادہ

ہر صورت وچ دیدار ڈٹھم  
کل یار اغیار کوں یار ڈٹھم  
کتھ پھل، گل، باغ، بہار ڈٹھم  
کتھ بلبل، زار، نزار ڈٹھم  
کتھ خس، خاشاک تے خار ڈٹھم  
ہک نور دے سب اطوار ڈٹھم

حضرت خواجہ غلام فرید دی کلام کوں میں چنگی طرح پڑھا ہے۔ کافیاں وچ اہناں دی گل مہڈ  
تے اہناں دے ماکھی وانگ مٹھے بولاں کوں سوچا تے سمجھا ہے۔ ڈاھڈے چنگے شعرا و ہوندے ہن جہناں  
وچ مونڈھی سچایاں دی بہار ایویں کھل دی تے مسکاندی ڈیکھے جیویں پھلاں اتے کھنڈے ہوئے فطرت  
دے اصلی رنگ ڈیکھن والی اکھ کوں اپنی سوہنپ وچ جذب کر گھن دے ہن۔ اے شعر زندہ رہندے  
ہن۔ ایہو جیادب انسان واسطے چنگایاں داسنیا ہوندا ہے۔

خواجہ فرید صوفی ہن، ولی ہن، ہک ایہو جئے سچائی دی بلدی ہوئی لاٹ کوں اہناں آپنی زندگی



وچ کھا گدا ہا جیڑھی لاٹ ایں دنیا تے ایں کائنات وچ چودھار، ہر کیاری، زمین دے ہر ٹکڑے، ہر رنگ ہر ڈھنگ، ہر صورت تے ہر رنگ وچ اہناں ساریاں کنوں وڈی سچائی جیکوں اللہ آدھے ہن اوندی مرضی، اوندے حکم دا نور گدے ہوئے اوندی وچ رچدی تے وسدی تے اہناں کوں ہک طاقت بنن تے آپنے اوس مقصد واسطے کم دا بنیدی تے اہناں ساریاں مشکلاں کوں ودھیندی رہندی ہے جیڑھے مطلب واسطے اللہ نے اہناں کوں پیدا کیتا۔ ایہو نور ایں کائنات دے ہر رنگ وچ ایویں بھجدا ہے جیویں انسان دے بدن وچ خون وہہ وہہ تے رگاں وچ چکر کھاندا رہندا ہے۔

۱۰۔ بلدی ہوئی لاٹ کیڑھی ہے ۱۰۰ اے اوہ لاٹ ہے جیکوں شیخ اکبر محی الدین ابن العربی نے چکایا جیکوں حسین بن منصور حلاج، بلذید بسطامی، رومی، رازی، عراقی، مولانا روم، حافظ شیرازی، ابن سینا مولانا شمس الدین نے علامہ اقبال نے آپنی زندگی، آپنی ادبی ہنرتے آپنے شعراں وچ، آپنیاں گالھیں وچ تے آپنی لکھت پڑھت وچ بہوں نویں تے چنگے انداز وچ روشن کیتا۔

ہن ساریاں گالھیں کوں سمجھن تے سمجھاو واسطے اے ضروری ہے جو انسان تصوف دی اصلی تے مونڈھی گال کوں کھول تے آپنے سامنے رکھے۔ ایں مسئلے دی جرہاں ہک وجود وچ کھنڈیاں ہویاں نظر آندیاں ہن۔ ایں ہک وجود وچ کھنڈیاں ہویاں نظر آندیاں ہن۔ ایں ہک وجود کوں ڈساو واسطے پیغمبر تے نبی ایں زمین اتے اترے ہن۔ ایں واسطے جو جہالت دے اندھارے وچ تھڈے کھاندا ہويا انسان سدھے تے اوس راہ تے ٹرے جیہڑھی راہ انسان کوں کلہی تے ہک ذات تے ہک وجود وچ گھن ونجے، جیہڑھی اصلی خالق تے اوس رب دی ذات ہے جیہڑا پیدا کریندے تے روزی وی ڈیندا ہے۔

علم دیاں کرناں پہلے پہل یونان وچ پھٹیاں تے کھنڈیاں ہن۔ اودانا لوگ مسلمان کیناں ہن۔ پلائی نائیڈلیس الیاطی نے آپنی گول پھول وچ آپنا خیال پیش کیتا ہا۔ او خیال اے ہا جو ایں کائنات دا ہک وجود ہے۔ تے ایہو وجود ہک حقیقت ہے۔ کوئی شے نہ ہون (عدم) کنوں ہون (وجود) وچ نہیں آسکدی۔ تاں اے گالھ ثابت تھی جو کئی چیز وی کہیں وجود باجھوں پیدا تھی وی نہیں سگدی۔ ایں ہک وجود دی سبجان کیویں آندی ہے؟ عقل، دلیل تے نشانیاں نال! انسان وچ جیڑھیاں حساں ہن او باہر ڈکھن والیاں شیاں کوں جان سگدیاں ہن اے ہن واسطے اہناں حساں دا علم وی ڈھیر تے سلمنے ڈکھن والیاں چیزاں کوں سمجھیندا ہے۔ تے اے سبجان کوڑی ہے۔ اے بس ایویں ہک وہم ہے۔ اے الیاطی

فلسفہ راہ توں رلیا ہویا تے کوڑی فلسفہ ہا۔ ایں فلسفے کوں دانا لوکاں دی تاریخ وچ "احدیث" دا فلسفہ آبدے ہن۔ تے اے فلسفہ اے ڈسیندا ہا جو ایں کائنات دی پیدائش دا ہک مونڈھی اصول اے ہے جو اے ہک وجود کنوں بن تے آپنے کے اصل اتے قائم ہے۔ یونان دا ہک بیا بہوں وڈا فلسفی زینو فیٹیسر الیاطی وی خدا کوں ایں کائنات دی اصل نال جوڑتے کھٹا ملا ہویا ڈسیندا ہا۔

اساڈے مسلمان فلسفیاں نے ایں گالھ کوں بس ایں حد تک تاں مناں جو کہیں بناون والے دے بغیر اے کائنات آپنے ہتھ پیر نہیں لہج سکدی۔ تے ایں کائنات کوں بناون والا اوہک وجود خدا ہے جیندی کوئی مثال کینی۔ جیندا کوئی بھائیوال کینی۔ او کھاتے ہک ہے۔ کائنات بناون کنوں تے کائنات دے مکن تک اوہک رہی۔ اوندیاں صفتاں وچ سوہنپ وی ہے، پیار وی ہے تے کاوڑ وی ہے۔ جھڑ وی گاج دے جکار وچ اوندی کاوڑ ڈسیندی ہے۔ جتھاں فجر دی بہوں ٹھڈی تے عطراں نال لڈی ہوئی ہوا ناز نہوراں نال ٹردی تے باغ دی فضا وچ قدرت دے رازاں نال رل تے کھیزدیاں ہویاں لہراں دے ہک کٹھ کوں آپناں بانہہ بیلی بناتے اساڈے مٹی دے بت دے اندروں لنگھدے ہوئے اے اساڈے ضمیر وی گہرائیاں وچ ایں احساس کوں ہلا پھر کاتے اے ڈس ڈسندی ہے جو او آپ خدا دی انہناں صفتاں دی نشانی ہے جہناں وچ اوندا رحم، کرم تے پیار ہوندا ہے۔

اتھوں اے گالھ ثابت تھئی جو باہر وچ ڈکھین والیاں یکیاں چیزاں دا وجود تاں بس ایویں خیال نہ تھیا۔ اے وجود او اصلیت ثابت تھئی جیہڑی اللہ دے ارادے تے حکم نال بنی ہے۔ کوڑ سوچن والے فلسفی اعتراض کریندے ہن جو "عدم" نہ ہون دی حالت کنوں ہون والا وجود بغیر علت دے کینویں پیدا تھی سکدا ہے "میڈا خیال ہے جو۔۔۔ یجائے ابن سینا بول پئے ہن۔ تے انہناں دا بول ہک مشہور بول بن گیا ہا۔ او بول اے ہے جو عدم دی علت، علت دا عدم ہے۔ صاف تے سوکھی گالھ ابا تھئی جو نہ ہون وی ہون دی ہک وجہ بناتے ایں مسئلے کوں حضرت ابن العربی نے اگھاں ایں ٹورا "قدیم" پرانا "حادث" دی علت بن وی نہیں سکدا۔ تے اتھوں اے گالھ نکلی جو حادث دے وجود نے بس اعتبار کیٹا ونج سکدا ہے۔ جیڑھی شے اعتباری تے عارضی ہوے او اصلی نہیں ہوندی۔ اصلی وجود نے ذات میڈے خدا دی ہے جیندی وجہ نال یکی دنیاں نے ہون دا سوہنا تے دل کھسن والا چولا پاتا۔

بئی گالھ ابن العربی نے ایں کھٹائی جو اللہ دی ذات "واجب بالذات" ہے۔ مطلب اے تھیا جو



اللہ دا وجود ایس کائنات وچ ضروری ہے۔ اے وجود ممکن بالذات تے ممتنع بالذات اصولوں نیں بن سکدا۔ ممکن بالذات دا مطلب سرائیکی وچ ایس ہے جو ایہو جیا وجود جیہدا ہونا یا پاتا و مجناں تھی وی سکدا ہوئے تے نہ وی تھی سکدا ہوئے۔ ایویں ممتنع بالذات اوں کوں آدھے ہن جیہدا وجود اصولوں بن وی نہ سکدا ہوے۔ شیخ اکبر نے ہک موقعے اتے ایس فرمایا:

یا خالق الاشیاء فی نفسہ انت لما تخلق جامع

(اے چیزاں دے بناون والے جو کچھ توں بنایا ہے توں ہی اوند ا جامع ہیں)

ایں طرح او ول ڈسیندے ہیں:

تخلق ما ینتھی کو ذ فیک فانت الضیق الو سع

(توں جو کچھ بنایا ہے اوند ا مکن وی تیڈے وچ ہے)

بئی گالھ وت ایں فرمائی:

جیزھے ویلے اللہ نے فرمایا "کن" (تھی ونج) تاں ایندا سنن والا کون ہا؟ اے گالھ کیوں آکھی گئی ہے۔ ایندے جواب وچ ڈو گالھیں آکھیاں ونج سکدیاں ہن۔ ہک اے جو اللہ اوں ویلے جیکوں حکم ڈیندا پیا ہا اوں ویلے خدا دے سلنے باہر موجود ہا۔ ڈو تھی شکل اے تھئی جو اللہ نے آپنیاں صفتاں کوں اے حکم ڈتا۔ ہن اے کجھو جو خدا دا مخاطب اوں ویلے باہر وچ موجود ہا۔ تاں ول من گھننا پوسی جو مخاطب وی خدا وانگوں قدیم ہے۔ تے ایں دنیاں دے بنن کولوں پہلے او وی موجود ہا۔ پر اے گالھ اصولوں وی نیں من دی۔ اے من گھنن نال کفر ضروری تھی ویندا ہے۔ ایں واسطے ہن اے حقیقت ایں کھلی جو ذات باری نے آپنیاں صفتاں کوں "کن" اکھا ہاتے ایں آکھن جو انہ صفتاں کائنات دی شکل وچ سلنے آ گیاں۔ ہن تاں انہاں حقیقتاں کوں ڈیکھدے ہوئے اے مننا پوندا ہے جو ایہا دنیاں ہک ذات تے آپنے اصل نال گنڈھی ہوئی ہے۔ ایں گالھ دی دلیلاں حضرت شیخ اکبر نے ایں ڈتیاں ہن جو:

۱۔ اللہ دیاں صفتاں اوندی ذات کنوں وکھری کینی۔

۲۔ اے دنیاں اللہ دیاں صفتاں کنوں بنی ہے۔

۳۔ ایں واسطے اے کائنات وی اللہ کنوں پرے کینی۔

حضرت شیخ عربی دی دلیاں کوں سوکھی بول چال وچ ڈساں تاں ایں تھیاں جو کائنات دا وجود دی  
حق دا وجود تے اوند ایں ہے۔ "عین" سرائیکی وچ اوں کوں آدھے ہن جیہڑا اصلوں اونویں دا اونویں  
ہوے۔ شیخ عربی دے بول اے ہن:

وجد المخلوقات عین وجود الخالق

شیخ اکبر دے خیال ایہے ہن جیندی وجہ نال اہناں کوں امام الموحدون اکھا گیا ہے۔ پر اہنا وی او گاہ  
جیہندے آکھن اتے شیخ اکبر کوں کافر اکھا۔

حضرت خواجہ فرید شیخ اکبر کوں سچا جان دے ہن۔ او آپ وی ولی تے ہک صوفی ہن۔ اوہناں  
دے کلام وچ اہناں دے دل دیاں حالتاں چنگی طرح رچیاں ہویاں ہن۔ آپ ایں فریہندے ہن:

بکھ، سنجانی غیر نہ جانی

سبھ صورت ہے عین ظہور

رکھ تصدیق نہ تھی آوارہ کعبہ قبلہ، دیر دوارہ

مسجد مندر، ہکڑو نور

فقہ، اصول، کلام، معانی منطق نحو تے صرف مہانی

ٹھپ رکھ ہے توحید غیور

ملاں پٹھڑے معنی کردے آیت درس حدیث خبر دے

صرف صدا تے تھئے مغرور

ملاں ویری سخت ڈسیندے بے شک ہن استاد دیندے

ابن العربی تے منصور

(صفحہ ۱۷۶)

علامہ اقبال وی خدا دے ہک وجود کوں میندے ہن۔ زندگی دے ادھ وچ تھوڑے جتنے وقت  
واسطے اہناں اہناں صوفیاں کوں گھٹ ودھ الایا تے وحدت الوجود دے خیال کوں غلط تے کافرانہ آکھا۔  
شیخ اکبر دے نظریے کو زندیقیاں دا نظریہ اکھا۔ پر اے گالہ زیادہ دیر نہ اگوں ودھ سگی۔ ایں واسطے؟



شاعر ہوں کوئی تے ہک ابھو جے شیشے وانگوں طبیعت رکھیندا ہے جیہڑا شیشہ سامنے تے کائنات وچ اڈے اڈے تے عقل کنوں پرے کھنڈے پنڈے قدرت دے رازاں کوں آپنے وچ چھک گھندا ہے ۔ اے چٹکے شاعر دی فطرت ہے ۔ اقبال کوں خالق نے ابھو جی فطرت دازیور پوایا ہویا ہے ۔ جڈن او مغربی ملکاں وچ گئے ہوئے ہن تاں او ہک وجود کوں مینندے تے ایں خیال اتے یکے ہن ۔ پر کچھ عرصہ تگھے اہناں آپنے خیال کوں بہوں تھوڑے وقت واسطے آپنی اصلی فطرت کنوں مجبور تھی تے اے گالھ ... دلیاں نال اکھ ڈتی ۔ میں اہناں دیاں آپنیاں گالھیں اہناں دے بولان وچ پیش کریندا ہاں :

”کانٹ نے تو اس مسئلے میں کہ مابعدالطبیعات کا وجود کیا ممکن ہے جو فیصلہ صادر کیا ہے وہ اس نظریے کے ماتحت ہے کہ ایک تو شے ہے ” بذاتہ “، ایک شے ہے ” بظاہر “ ۔ لیکن فرض کیجئے معاملہ یوں نہ ہو جیسا کانٹ کا خیال تھا ۔ بلکہ اس کے برعکس ۔ چنانچہ اسلامی اندلس کے مشہور فلسفی محی الدین ابن العربی کا یہ قول کیا خوب ہے کہ وجود مدرک تو خدا کی ذات ہے ۔ کائنات معنی ۔ ایسے ہی ایک دوسرے مسلمان صوفی، مفکر اور شاعر عراقی نے کہا ہے کہ زمان و مکان کے متعدد نظامات ہیں ۔ حتیٰ کہ ایک وہ زمان و مکان بھی ہے جو صرف ذات الہیہ سے مخصوص ہے ۔ لہذا عین ممکن ہے کہ جسے ہم کائنات یا عالم خارجی ٹھہراتے ہیں وہ عقل ہی کی ایک تاویل ہو ۔“

اقبال دے اہناں گالھیں وچوں ایں گالھ کوں تہاں بہوں ڈونگھی نظر نال ڈیکھو جو او شیخ اکبر کوں اپنے عقیدت دے پھل کیوں پیار بھرے ہتھان نال ڈیندے ہوئے مینندے ہے جو ” مدرک “ اصل وجود تاں خدا ہاتے ایں اصل وجود دے معنی اے کائنات ہے ۔ ہن او ندے شعرو دی سن گھنوں ۔۔

نگاہ عاشق کی دیکھ لیتی ہے پردہ میم کو اٹھا کر  
وہ بزم یثرب میں جا کے بیٹھیں گو لاکھ منہ کو چھپا چھپا کر

.....\*

کثرت میں ہو گیا ہے وحدت کا راز مخفی  
جگنو میں جو چمک ہے وہ پھول میں مہک ہے

.....\*

حقیقت ایک ہے ہر شے کی نوری ہو کہ خاکی ہو  
ہو خورشید کا ٹپکے اگر ذرے کا دل چیریں

.....\*

حسن ازل ہے پیدا تاروں کی دلبری میں  
جس طرح عکس گل ہو شبنم کی آرسی میں

.....\*

کرا جوئی چرا در پیچ و تاب  
کہ او پیدا است تو زیر نقابی  
تلاش او کنی جز خود نہ بینی  
تلاش خود کنی جز او نیابی

.....\*

من و تو سے ہے انجمن آفریں  
مگر عین محفل میں خلوت نشیں

ایں مسئلے اتے علامہ اقبال دے نال بلیندا ہویا بابا فرید کوں ول وی سنو اتے کچھوا جوہک وجود  
دا خیال اقبال دے مزاج تے طبیعت وچ سوہنے سوہنے رنگ، کیسو جیاں دل موہنیاں تے طبیعت کو  
پھلاں وانگوں مسکیندیاں ہویاں حالتاں پیدا کر ڈیندا ہے۔۔

اپنی حقیقت گول توں  
بے کوں نہ اصلوں پھول توں  
رکھ یاد اساڈا بول توں  
آنیں نہ شک ہئی محض پک  
جو کچھ ہے ظاہر بر ملا  
جاناں میں کیویں ماسوا



مرشد محقق وج و جا

ہمہ اوست وذا تیدا سبق

ایہو فکر ہے ایہا گالہ ہے

ایہو وجد ہے ایہو حال ہے

ایہو ذوق دم دم نال ہے

ایہو بچ ہے بیا سب ہے نحق

خواجہ فرید صوفیہ وجودیہ نال اچھی طرح اتفاق کریندے ہن۔ انہاں کوں وی پچی ذات تے ہکو  
وجود ایں ساری کائنات وچ اصلی تے پچی سچائی نظر آندا ہا۔ او بس ایویں نہ ایمان رکھیندے ہن، او ایں  
حسن ازلی دی ہمیشہ بلدی ہوئی لاٹ اتے پروانے والی کار اولے گھولے تے قربان تھیندے ہن۔ ایں  
عشق دی بلدی بھانے انہاں دے باطن وچ ساریاں جبلتاں کوں ہک برابر کرتے اوں ازلی سچائی نال  
ایں جوڑا جو انہاں دا انسانی مزاج پنگھر تے انسانی معاشرے وچ او خیر تے چنگایاں دا نور بناتے انسانیت  
دے آسمان اتے ایویں چمکا جیویں پورا چندر رات دے اندھاراں وچ چمک تے ساری دنیا دے انساناں  
اتے اپنے چائن و ساڈیندا ہے۔ خواجہ فرید تاں حسن ازل دے دیوانے، شراب الست دے مستانے ہن  
پر ایں خدا دے ہک وجود دے مسئلے اتے بھانویں جو بے عالماں بہوں احتیاط نال گالہ کیتی۔ پر انہاں  
دی گالہ وچوں وی انہاں دی ضمیر دا اے الا سیندا ہو یا معلوم تھیندا ہا جو اوند ا وجود ہک ہے۔ بھانویں  
جو شیخ احمد سرہندی دے بول اے ڈسیندے ہن جو اللہ دیاں صفتاں اوندی ذات کنوں وکھریاں ہن۔  
پر علم رکھن والے وڈے لوگ اے کیوں من سکدے ہن۔ اسم (نال) آپنے مسک (جیندا اوناں ہے)  
عرض، جوہر، علت، معلول تے صفت ذات کنوں وکھری تھی سکدی وی نیں۔ ایں واسطے شیخ اکبر دا اکھا  
سچا نظر آندا ہے۔

شیخ اکبر ابن العربی دی اے گالہ بہوں کھلی ہوئی ہے تے دو جہے پاسے حضرت شیخ احمد دی اے گالہ  
جو صفت ذات کنوں وکھری ہوندی ہے، بس ہک ایں بہوں اوکھے تے نازک مسئلے اتے احتیاط دا ہک  
چنگا نمونہ ہے۔ پر آپنے دل وچ او رب دی اصلی حقیقت تے اوندے ہک وجود کنوں انکار نیں کر  
سکدے۔ ایہا وجہ ہے جو سائیں فرید نے آپنی دل دے وچوں ہک سوز تے جذبے نال اے گالہ فرمائی

ہے جو۔۔

ٹھپ فٹہ، اصول، عقائد توں رکھ ملت ابن العربی دی

حضرت خواجہ فرید سائیں وی بہوں وڈے عالم ہن تے کوئی گالھ ایویں کہیندی من والے کیناں  
ہن۔ اہناں چنگی طرح سوچ تے اے مناں تے آکھا ہا۔ ہن تساں دیکھو جو:

اٹھارویں صدی وچ وڈے فلسفی فشے نے یورپ دی تاریخ وچ مادہ (سامنے نظرن والی شیاں) دی  
کھول پھول کرتے اوندی اصل کوں جانن تے عقل دی وٹی اتے پرکھن داکم شروع کیتا تے اوند اے کم  
جھتے آتے مکاوا اے ہے جو "انا" جیکوں اساں "میں" یا کہیں چیز کوں "اے" آدھے ہے۔ ایکوں انگریزی  
زبان وچ Ego آدھے ہن۔ اے "انا" ہک کلبی انا ہے۔ مطلب اے ہویا جو فشے دی اے انا ہک ہلن  
چلن والی طاقت دا مونڈھ ہے تے کہیں ہک شے دی انا وچ وی ایں ہک مونڈھی طاقت دا وجود ملدا ہے۔  
تے ایہو وجود ہلدی پھر کدی تے بہوں زور والی طاقت ہے۔ ابن عربی ایہو کجھ آدھے ہن جو وجود ہک ہے  
تے باقی وجود اعتباری تے عارضی ہن۔ اعتباری وجود ناقص تے اصلی وجود ہمیشہ باقی رہن والا تے بہوں  
اچا ہوندا ہے۔ فشے آدھا ہا جو صرف ایں کائنات وچ کلبی طاقت Ego کوں وی ہک اصلی طاقت دا منڈھ  
منا ونج سکدا ہے۔ ایں طاقت وچوں بیاں ساریاں چیزاں تے شیاں وی شکلاں وچ آیاں۔ اصل  
مونڈھی طاقت Ego دی مرضی وی او شے ہے، باقی شیاں کوں کہیں کم اتے آون تے کہیں حرکت دے  
قابل بنا سکدی ہے۔ شیخ اکبر نے اہناں عقل دے پوچن والاں کوں کجھایا تے ڈسا جو جیکوں تساں بس  
ایویں طاقت آدھے ہوئے او اساڈے خدا دی صفتاں، نشاتے ارادے تے اوندی مرضی وچ موجود ہے  
او قہار وی ہے، جبار وی ہے، اورحیم وی ہے، اورب وی ہے، اورزاق وی ہے۔ او چاہے دریا ٹر  
پون۔ او چاہے تاں دریا سک و نجن۔ او چاہے تاں پھل مسکن۔ او چاہے تاں کلیاں خوشبو ڈیون۔ او  
چاہے تاں غنچے چٹکن۔ او چاہے تاں بھ ا بھرے۔ او چاہے تاں بھ لہ ونجے۔ او چاہے تاں بھ ول  
آوے۔ او چاہے تاں چدر ٹکڑے تھیوے۔ او چاہے تاں پتھر بول پون۔ او چاہے تاں انگارے پھل  
بن و نجن۔ او چاہے تاں سکی لکیز جیندا جاگدا نانگ بن ونجے۔ او چاہے تاں کھیون کھے تے طور جے پہاڑ  
سوا تھی و نجن۔ او چاہے تاں یوسف بازاراں دے۔ او چاہے تاں یوسف تخت سہاوے۔ او چاہے تاں  
فرش تے عرش دے ادھ وچ والے سارے پندھ مدکیاں کھن کھن تے مرو نجن۔ جے او چاہے تاں فرش



دے دے عرش تے بچن تے اوندے ایویں کول ہون جیویں ڈوکماناں ملدیاں ہن - او چاہے تاں  
شر دی تلوار حسین علیہ السلام دا خون پیوے - او چاہے تاں اہناں شہیداں دے سر نیزاں تے قرآن  
پڑھ سوان -

شیخ اکبر نے خدا دے ایں ہک وجود تے یقین پکا کرتے ایں یقین دا اپنے اتے رنگ چڑھایا ہا -  
فشے وی آپنیں ایں گول پھول کنوں تھکے خدا کوں تاں من لگا ہا پر ہک بے منطقی رنگ وچ شیخ تے فشے دا  
اے فلسفہ خودی بھانویں ہک ہے - پر فرق وی کھلا ہویا ہے - او فرق اے ہے جو خدا دا وجود "انا" فشے  
دی Ego وانگوں اصولوں کنینی - نہ وی ایں گالھ ایں ہے جو قدرت دا او منڈھ اخلاقیات وچ بس حرکت  
دے رنگ پیدا کریندا ہے - شیخ اکبر دی گالھ اتے جو خدا دیاں وصفیں اخلاقیات وچ موجود ہن میں پکھاں  
وی اے ڈسایا ہا جو اقبال وی اللہ دی ذات "مدرک" تے کائنات کوں اوندے معنی آکھا ہا - اتھاں وی  
اقبال ابن العربی دے خیالاں کوں تے فشے دے فلسفہ خودی کوں ہک برابر سمجھ تے ایں حقیقت کوں  
اہناں شعراں وچ پیش کیتا --

خودی کیا ہے رازِ درونِ حیات  
خودی کیا ہے بیداری کائنات  
خودی جلوہ بدمست و خلوت پسند  
سمندر ہے اک بوند پانی میں بند  
ازل اس کے پیچھے ابد سلمے  
حد اس کے ہے پیچھے نہ حد سلمے  
کرن چاند میں ہے شررِ سنگ میں  
یہ بے رنگ ہے ڈوب کر رنگ میں  
ازل سے ہے یہ کشمکش میں اسیر  
ہوئی خاکِ آدم میں صورت پذیر

شیخ اکبر دا اے ہک کھلا ہویا خیال ہا جو اے کائنات وجود دا چولا پاؤں کنوں پہلے ذاتِ حق دے  
ذہن وچ معلومات اعیانِ ثابۃ دی شکل وچ راہندیاں ہن - اے کائنات دیاں یکیاں شیاں اللہ دے

ذہن کنوں ایس جہان وچ آیاں تے ول اللہ دی مرضی نال ول ولین - اہناں گالھیں دے سوچ  
دلیلاں دارنگ ایس نظر آندا ہے:

- ۱- ساری مخلوق اللہ دے جانن وچ اعیان ثابتہ دے روپ گدے ہوئے ہے پئی۔
  - ۲- ایس واسطے جو وجود تے علم ہک جرہ اتے ہن۔
  - ۳- ایس واسطے اہناں کوں پیدا کرن دا مقصد بالقوہ (ہک طاقت کوں بالفعل ہونا)
- کم تے لاون ہا۔

نہ صرف کچھ اقبال نے ڈردے ڈردے تے انکار کریندے کریندے آخر وچ آپنی علمی تحقیق  
پورا کریندے ویلے اوں نے اہناں حقیقتاں کوں من گدا ہا۔ مولانا روم وی اللہ دے ایس وجود کوں  
وجود آدھے ہن تے ایس کائنات کوں ہک ہی ذات دیاں بیاں بیاں تے دکھریاں دکھریاں شکلاں آد  
ہن تے اہناں شکلاں دی گینت کوں او اعتباری فریندے ہن۔ مولانا روم کوں اقبال نے آپنا استاد  
تے اہناں دے شعراں وچ گالھ مہاڑ کیتی تے سینائی کوں بہشت وچ اہناں نال سوال جواب کریندا  
دکھایا ہے۔ سینائی اقبال دے خیال دے مطابق رومی کوں اے ڈسیندا ہے جو مشرق اساڈی ہتھنڈ  
اساڈے معاشرے وچ اجاں تک اوہے پرانیاں روایتاں ہن۔ اوہو پیالہ ہے تے اوندے اوہا آتش۔  
مطلب اے ہو یا جو وچار کرن دے اوہے رنگ اجاں باقی ہن۔ پر ہن قلندر ہک مرد تے مست جو  
نے انسانی خودی دے راز کوں "انا الحق" آکھ تے کھولا۔ تے اے آپنی روایت ترث تے اوندی ہک ا۔  
نویں روایت بنی۔ اقبال دی آپنی زبان اے ہے جو۔۔

فردوس میں رومی سے یہ کہتا تھا سنائی  
مشرق میں ابھی تک ہے وہی کاسہ وہی آتش  
حلاج کی لیکن یہ روایت ہے کہ آخر  
اک مرد قلندر نے کیا راز خودی فاش

اقبال داراز خودی وی ایہو ہا جو انسان وچ اللہ دیاں ڈتیاں ہویاں صفیات موجود ہن تے انسان  
آپنی اصل کوں سمجھے جو اوندی وجود اعتباری ہے تاں ہوے پیا پر اوندی اصل وچ اوں ہک وجود دی  
صفیات دا نور ہے۔۔



بروں از شاخ بینی خار و گل را  
درون او نہ گل پیدا نہ خار است

.....\*

برگ درختان سبز در نظر ہوشیار  
ہر ورقہ دفتریت معرفت کردگار

اتھاں سائیں فرید دارنگ وی ڈیکھو۔۔

کتھ بطن بطن ظہور ڈٹھم  
کتھ زاہد تے مخمور ڈٹھم  
کتھ ملاں تے منصور ڈٹھم  
کتھ چوب رسن تے دار ڈٹھم  
ارواح ، نفوس ، عقول ڈٹھم  
انسان ظلوم جہول ڈٹھم  
معقول ڈٹھم ، منقول ڈٹھم  
اقرار ڈٹھم ، انکار ڈٹھم  
کتھ منطق ، نحو تے صرف ڈٹھم  
کتھ اسم فعل تے حرف ڈٹھم  
ہک معنی ہر ہر طرف ڈٹھم  
چو گوٹھ ڈٹھم ، چودھار ڈٹھم

شہلی نے وی منصور کوں وٹے کھاندا ڈیکھ تے وٹانیں تے پھل مارا ہا۔ پھل کیوں؟ ایس واسطے جو  
اوندے دل وچ اے گالھ ہے پئی جو منہور آپ کوں خدا نیں آدھا پیا۔ او خدا دے ہک وجود کوں میندا  
ہے۔ بس۔ ایویں میندا وی نیں، اوتاں ایس ہک تے سوہنے وجود دا عاشق ہے۔ ایس عشق دی بلدی  
بھانے اوندے جسم کوں ساڑ مکایا۔ اوہک وجود تے پروانے وانگوں اپنی نکی جی جان کوں کھول سیئدا  
پیا ہا۔ اوں ہک وجود کوں میندے تاں سارے عالم ہن پر آدھے ہن جو ایس گالھ کوں ایس کھل تے اوں

کوں اکھنا نہ ہا۔ پر میں اکھیاں جو حق دے بلدے ہوئے ڈیوے تے سڑن والے پروانے کیویں آپنے  
 وچ عشق دی بلدی بھاگوں و سما سگدے ہن۔  
 سائیں فرید آدھے ہن۔۔

آنیت فرید نماز شہودی ہر شے وچ ہے رمز وجودی  
 سٹ ملوانے جو مذکور  
 گمراہی سب زہد عبادت شاہد مستی عین ہدایت  
 جس جا کیتا عشق ظہور  
 نور حقیقی کھونگھٹ کھولے۔ اٹھ گئے اولے بچ پئے بھولے  
 ہر جا ایمن ہر جا طور

اے ہک وجود دا مسئلہ اساڈے دین اسلام دی جان ہے۔ ایں مسئلے اتے اساں چپ رہندے  
 تاں عقل نال کھیڈن والے لوک جیویں فلاطینوس۔ جیندا اے خیال ہا جو ایں کائنات وچ ہک طاقت  
 ہے جس کنوں آپنی آپنی واری تے عقل تے شعور نکدے تے پیدا تھیندے۔ ہن ایویں جیویں بھ کنوں  
 شعاواں نکدیاں ہن۔ اے طاقت تے اے کائنات ہک بنیاد تے کھیاں ہن۔ انسان دی روح مادی  
 جسام وچ ایویں جیویں پنجرے وچ کوئی پکھی ڈیج وچے۔ عبادت تے ریاضت نال ایہہ روح ایں قابل  
 تھی ویندی ہے جو اے ایں مادے دی ڈھک بدھ کنوں چھٹ تے اوں اصل طاقت وچ گھل مل ویندی  
 ہے۔ اردو زبان وچ ایں مسئلے کوں "نواشراقیت" آدھے ہن۔ ایہو جئے خیال دا تعلق آریائی ذہن نال  
 وی ہا۔ سامی قوماں دے وچوں صائبین، فینقی، یہودی تے عرب ہک عقل کنوں پرے اچے تے ہک  
 اصلوں وکھرے خدا دے منن والے ہن۔ ایویں راہ توہینے ہوئے بے فلسفی ڈارون تے الگزنڈر وی ایہو  
 کچھ آدھے ہن جو اے کائنات ہک طاقت کنوں آپے بن گئی ہئی تے دل ہولے ہولے ودھدی گئی تے ایویں  
 ترقی کریندے کریندے اواج تک پہنچی ہے۔ ایویں وقت دے نال نال وینجندی تے دل ہوں طاقت  
 نال بندی رہی۔

اے او خیال ہن جہناں وچ انسان دی عقل تے ذہن گنجنیندے رہے۔ ایں کائنات ایویں ہک  
 طاقت دی پیداوار آکھ تے اے سمجھ گدا جو ایں مادے دی فطرت طبیعت تے مزاج دے کم ہن جو او



اے کائنات بغیر بنان والے دے بن دی تے ونجندی راہندی ہے۔ معاشرے وچ ہک مستقل برائی دی راہ بناؤتی۔ انسان کوں بس آپنے وچ آپنی ذات کوں فائدہ پہچاون تے اپنی طاقت کوں آپنے کوں کمزور انساناں تے ایویں زور دھنگاں تھپ ڈیون کوں اپنی زندگی دا ہک مقصد بنا گدا۔ اے ڈر انسان دی سمجھ تے اوندے دل وچوں اصولوں نکل گیا جو ایس مک والی زندگی دے مکن تے اوں کوں کہیں بئی اصلی تے سارا کوں وڈی تے بہوں زور والی طاقت دے اگوں پیش تھیوناں اے۔ تے ایں دنیا وچ کیتے ہوئے کماں دا جواب وی ڈیونا پوسی۔ ایں واسطے اج ساری دنیا وچ چودھار کمزور قوماں آپنی اصلی آزادی کوں ہتھ دھو بیٹھیاں ہن۔ انہاں تے بھاوسدی ہے۔ انسان کھدی کھیون کوں مکدا تے ڈردا انسان اج آپ ایں کھیون وانگوں کھمدا تے جھڑ وانگوں گجدا ہو یا کمزور تے شودے انساناں تے ظلم دا گڑھا وسیندے ہوئے اصولوں وی نئیں اٹھکدا۔

جے ایہو انسان اے جان گھندا جو ساہ دا کوئی وسائیں، اے جیون بہوں تھوڑ وقت واسطے ہے تے ول اوں خدا دے سلمنے ونج تے جواب وی ڈیونا پوسی جیندی صفت اختیار تے ارادے نے خود اوں انسان کوں اختیار تے ارادے دا مالک بنایا ہے۔ اوندی بنان دی او صفت موجود ہے جیندے کوں اے کائنات دیاں وکھو وکھ صورتاں تے شکلاں بنیاں تے ایں کائنات وچ چوگوٹھ نظر دیاں ہن۔ زمین تاں زمین اسماناں تے چمکدے ہوئے سوہنے سوہنے تارے۔ اے سلمنے ابھردا ہو یا سمجھ۔ او سلمنے اسمان دی نیلی چادر اے تھکدا ہو یا چندراں اللہ دی ہک ذات دی ڈاڈھی سوہنی صفت دا ہک کنواں ہے جیندے وچوں نور نکل تے اساڈی اکھیں، اساڈے دماغ تلے اساڈے دل وچ سو جھلا پیدا کریندا پیا ہے۔ اے وڈے وڈے کرے فضاواں تے خلاواں وچ آپنی آپنی راہ تے بھجندے ویندے ہن۔ اے وی اوندی کاریگری دا بہوں حیران کرن والا عکس ہے۔ اے عکس وی اوندی صفات دا ڈاڈھا چنگا نمونہ ہے ایں کائنات وچ بئی ہر شے کوں زیادہ چنگا نمونہ آپ انسان ہے جیندے واسطے اے ساری کائنات اوندی وصف تخلیق کوں بن تے سلمنے آئی۔ او چاہے تاں اے ساری کائنات اکھ پھر کدی وچ آڈونجے ایں آڈونجے جو کھائیں ایندا وجود نظر وی نہ آوے۔ اے اوندی مٹاڈیون والی وصف تے قدرت دا ہک بہوں عجیب نمونہ ہے۔ اتھاؤں تاں اے ثبوت ملدا ہے جو انہاں ساریاں شکلاں دا وجود اعتباری تے عارضی ہے۔ اے سارے وجود تے شکلاں اوندی مرضی نال باقی ہن۔ تے ول اوندی مرضی نال فنا

تھی سگدیاں ہن۔ جتھوں اے گالھ کھلی جو اصل شے اوں ہک خدا دی قوت تخلیق تے قوت تخریب ہے جیویں کن آکھ تے اللہ نے ایس کائنات کوں بنا ڈتا ہا۔ ایویں اکیوں ختم کرتے ہر وقت اپنی ہک ذات تے قادر مطلق ہوون دا ثبوت ڈے سگدا ہے۔ اے قادر مطلق کھاہے۔ ایں واسطے جو چیزے ویلے اوں مطلق ذات نے ایس کائنات کوں بنایا تاں ڈو جھا کوئی شریک کیناں ہا۔ چیزے ویلے مکسی تاں ول وی کوئی شریک نہ ہوسی۔ تاں بنادون والا وی اوہو، مکاون والا وی اوہو، اے اتنی صاف گالھ تھئی جو اے ساریاں چیزاں اوندی قوت کنوں بن تے اوندی قوت نال ختم وی تھی گیاں تے اوہک ذات جیویں ہئی اوں ہے تے اوں رہی۔

اے ہک ذات دا نور جیڑھا "روز ازل" کنوں چمک تے ایس کائنات دے روپ وچ پھلاں دی آب، تہذیبی چمک، بھ دی روشنی، چندر دی چاننی، ہوادی ٹھڈ، ہرن دی اکھ وچ مستی، کوئل دی کوک کبک دی سوہنی ٹور تے کونج دی کرلاٹ، چکوری دا عشق، پروانے دے دل وچ عشق دے بکھدے انگارے بن گیا ہا۔ ایہو نور باقی رہی تے حق مطلق رب دے ارادے نال بئی ہر شے دا وجود وہم خیال تے فانی سوچ دا نگوں عدم دی حالت بن تے رہ ویسی۔ ہیں واسطے خواجہ فرید تے بے یکے عالم تے صوفی بزرگاں نے ہیں باقی رہن والے حسن تے کڈا ہیں نہ مکن تے ہمیشہ رہن والے نور دے عشق کوں اپنے دل وچ رجا گدا ہا۔ ایہا وجہ ہئی جو دل اہناں کوں ہر شے اللہ دا نور نظر آندی ہے۔ ایندا مطلب اے کیناں ہوندا ہا جو بئی ہر شے خدا ہے۔ ایہو عشق جیڑھا خدا دے ہک وجود دا عشق ہے۔ خدا دے ہک نور دا عشق ہوندا ہا جو بئی ہر شے خدا ہے۔ چندر تاں مٹ ویسی ایندے مٹن تے چکوری دا عشق وی مٹ ویسی۔ جیڑھا ہمیشہ باقی رہی۔ چندر تاں مٹ ویسی ایندے مٹن تے چکوری دا عشق وی مٹ ویسی۔ شیریں اوں اصل حسن دا پرتوتاں تھی سگدی اے پر اوندا آپنا وجود ساہ تروڑ ڈیون والا ہے اے ہن واسطے فرہاد نے اپنے تیشے نال اپنا سر بھن گدا تے اپنی روح وچ او سردی لہراں نہ پیدا کر سگا جیڑھیاں لہراں اصلی عشق تے درست جیون دا پکا تے اصلی سرمایہ ہن۔ غالب نے ہن واسطے تاں چیک پیا ہا۔۔

تیشے بغیر مر نہ سکا کوہکن اسد  
سرگشتہ خمار رسوم و قیود تھا

خواجہ فرید نے ہیں ہک ذات دے عشق کوں نہ بس آپنی زندگی واسطے کافی خیال کیتا ہے۔ اہناں نے ایں عشق دے جلوے کوں ہر انسان واسطے بہوں ضروری ڈسا ہا۔ ایں واسطے جو ایہو سو جھلاتے ایہا



عشق دی بھڑکدی بھاہتر کوں پارس بناد کھیندی اے۔ ایہا وی او بھاہئی جیں بہانے بلید بسطامی دی اکھیاں وچ حقیقت دے نور دے او شعلے پیدا کیتے ہن جیہدا اثراو ویلے بر ملا ظاہر تھیا جیڑھے ویلے ہک آدمی نے اعتراض کریندے ہوئے اے پچھا جو بلید توں خدا کوں کیویں ڈٹھا ہے؟ تے بلید نے آکھا اورھاں میڈیاں اکھیں وچ ڈٹھا۔ ہوں ویلے تے اتھائیں کبوتر وانگ پھٹکاتے اوندی روح واصل حق تھی گئی اے ہن واسطے اقبال نے آکھا ہا جو۔۔

خرد کے پالس خبر کے سوا کچھ اور نہیں  
ترا علاج نظر کے سوا کچھ اور نہیں

سائیں فرید جیڑھے ویلے بہک وجود دے عشق دی بھا وچ بلدے ہویاں آپنیاں اکھیاں کوں دنیا کنوں اٹھایاتے اوں ویلے آکھن لگ گئے جو۔۔

ڈیکھو حسن حقیقی ظاہر ہے  
کیا اندر ہے کیا باہر ہے  
کتنے ناصی ہے کتنے ماہر ہے  
سوہنا اپنے وصل وصال کنوں

اے ہیں ہک وجود دا عشق انسان دے اندر یکسیاں جہلتاں کوں جیہندے وچ ہوس ہے، جیہندے وچ خالص ہے، جیہندے وچ مکن والیاں چیزاں دی محبت ہے۔ جیہندے وچ اپنے آپ کو یا انسان دے کہیں جتھے تے کٹھ کوں کہیں بنے علاقے دے رہن والے انساناں دے اتے اپنے اقتدار کو زور نال تھپ ڈیون دی خواہش ہے۔ ایں ہک وجود تے ہک ذات دے یقین تے عشق وچ ایویں کھول ڈیندی ہے جیویں کھیر دے وچ کھنڈ، پھل دے وچ خوشبو، کلی دے وچ مہک، درد دے وچ سوز، لے دے وچ نغمہ، پارے دے وچ پھٹکن دے رنگ گھلے ملے تے ہک جان تے ہک وجود بنے ہوندے ہن۔ تے دل ایہا او جو جا ہے جتھے جگر ہو بن ویندا ہے۔ دل دی اکھیں وچ ہک نور پیدا تھی ویندا ہے۔ اے او نور ہوندا ہے جیڑھا نور سامنے آون والی نرگس کوں کڈانہ وی نیں ملدا بھانویں جو ہزار سال روے۔ ایہو او نور ہے جیہندے سو جھلے وچ مکان فانی نظر آندے ہن۔ تے ایہو او وقت ہے جڈن انسان دے اگوں اے راز کھلدا ہے جو اے گل ولالہ دے وچ رنگاں دی بہار اصل وچ انسان دے جگر دا ہو ہے۔ اوندی نسبت

اوس ہک وجود نال ہے تے او اوس ہک وجود دا عاشق ہے۔ تے ایہو حقیقی تے ہمیشہ رہن والے وجود دی خاطر ایڈیاں ساریاں خواہشاں دا خون کرتے آپ اوس خدا نے لم یزل دا ہتھ تے زبان معلوم تھیندا ہے اے ہن عشق دے سوز وچ سائیں فرید فریوندے ہن۔۔

بدنامی میڈا نام ہويا  
غم کھاوَن شرب مدام ہويا  
رت پیون کام دوام ہويا  
چھٹ پیوسے ظلم دی جال کنوں  
کہیں اردو شاعر دا کتنا چنگا شعر ہے۔۔

خون دل پینے کو اور حُتِ جگر کھانے کو  
یہ غذا ملتی ہے جاناں ترے دیوانے کو  
خواجہ فرید ہک وجود دے عشق وچ مست جو تھے ہوئے ہن تے دل فریوندے ہن۔۔

ہر صورت من نوں موہندی ہے  
ہر صورت دل نوں کوہندی ہے  
سب نسبت یار نوں سہندی ہے  
ہر حال کنوں ، ہر قال کنوں  
حقیقت دل وچ کڈا ہن وی نیں لکدی۔ او منہ تے آتے رہندی ہے۔ ہک بیا شاعر آدھا ہے۔۔

وہ عدو کہیں ، وہ حبیب ہے  
وہ صنم کہیں ، وہ رقیب ہے  
بھی راز اس کا عجیب ہے  
جسے مل گیا وہ خدا ہوا

سائیں فرید دا دل فرمان سنو۔۔

سب صورت وچ ڈسدا ڈھولا ماہی  
دل اساڈی کھسدا ڈھولا ماہی



رنگ برنگی آس دے دیرے

آپے رانجھا میر تے کھیرے

لک چھپ بھید نہ ڈسدا ڈھولا ماہی

ایہو او مقام ہے جیڑھی جاتے عشق زندگی دا سوز بن ویندا ہے تے عقل ذرا سوچ وچ تے احتیاط وچ نظر آندی ہے۔ اے سچا عشق تے جگر دا سوز مشیت لیزدی نال مل تے اوندے اگوں انسان کو جھکا ڈیندا ہے تے جھکدا ہويا انسان آپنے آپ کوں سنجان تے ایں معاشرے وچ خیر سگالی دا سرچشمہ بن ویندا ہے تے ول اوندی زندگی دے ہر عمل وچ او تاثیر ابھردی ہے جیڑھی انسان کوں شہید جستجو بنا ڈیندی ہے۔ کڈھینوں تے برابر اگوں ودھن والی کوشش انسان دے باطن وچ طاقت دی ہراں کوں ابھریندیاں ہن تے اے ہراں آپنے مطلوب، آپنے مسجود تے آپنے مشہود نال ٹکر گھنٹے معاشرے وچ ہر عام انسان واسطے خیر تے بھلائی دا عمل بن تے ہک پکاتے نہ ٹن والا کردار بن تے عام انسان معاشرے وچ فیض دا دریا بن تے وہہ ویندے ہن اے ہن واسطے علامہ اقبال نے اکھا ہا جو۔۔

سرشک چشمِ مسلم میں ہے نیساں کا اثر پیدا

خلیل اللہ کے دریا میں ہونگے پھر گہر پیدا

اے ہن واسطے خواجہ فرید ذاتِ حق دے عشق وچ عقل کنوں اکھاں ودھ تے صاف تے سوکھے الفاظ وچ اے فیصلہ کر ڈتا ہا جو۔۔

سارے جگ وچ ہک میں رہ گئی نہ توئی نہ اوئی

اہناں دے نال ہاں وچ ہاں ملاون واسطے خواجہ حافظ بول پوندے ہن۔۔

میان عاشق و معشوق ، ہیچ حائل نیست

تو خود حجابِ خودی ، حافظ از میاں برخیز

تے آفری فیصلہ حضرت خواجہ فرید سائیں دا وی سن گھنو۔۔

تھیا منصور فرید، معینہ جس اے راز لدھوائی

میں آخر وچ اکھیاں جو سائیں فرید دا فیصلہ ہک مونڈھی فیصلہ ہے۔ جیتک اے دنیا رہی اوں

تک ایں فیصلے کوں دل دیاں اکھیاں نال ڈیکھن والا انسان میندا رہی۔ پر میں تاں اے وی آکھن

کنوں نہ ڈر ساس جو ہن ایں وقت وچ جڈن انسان مادے دی قوت کوں آپنی مٹھ وچ گھٹ تے ساری دنیا  
 اتے ساہ پیونے نانگ واکن بیٹھا ہے تے آپنی طاقت کوں ڈیکھ تے آپنی ایں اچی گردن کو بیا اچا کرتے ہے  
 علاقن دے کمزور انساناں تے آپنے اقتدار کو پکا کرتے خدا دی اصلی خدائی طاقت کوں بھل گیا ہے تے ایں  
 واسطے انسان مادے دی ایں ترقی تے ایں دل دے پتھر انسان دے ظلم تے اکڑ وڈائی دے بہو بھاری  
 بوجھ تلے پھٹکدا ہو یا پر چپ نظر آندا پیا ہے۔ اے انسان اوں ویلے اہناں ڈکھاں کنوں چھٹ تے ایں  
 سوہنی کائنات کوں اپنے واسطے پھلاں دی سیج بنسی جیڑھے ویلے اوہک خدا کوں آپنا سچا حاکم تے اوندے  
 نور کوں آپنی روح وچ رچا گھنسی۔ تاں ول انسان کوں اے سمجھ آسی جو خواجہ فرید اے سچ آدھے ہن جو

وچ معنے دے ملکوتی

دل اندر سب اسباب

تے دل انسان کوں ابن خلدوں دا اے بول وی مٹھا لکسی جو۔۔

هو علم ينظر في الوجود المطلق۔۔ الخ

تے جیڑھے ویلے انسان نے اے سمجھ گدا جو اوندے دل دے اندر کیے جہان موجود ہن تے باہر وچ ہر  
 صورت ناسوتی تے معنائ وچ ملکوتی ہے، جبروتی تے لاهوتی مقام وی اوندے دل وچ ہے تاں ول ترقی  
 دی اے او جا ہوسی جیڑھی جاتے ظلم دیاں قبریں نظر آسن، خزاواں مل ولسن تے ہر پاسے خوشیاں دے  
 پھل وسدے نظر آسن تے دل اے انسان آخر من تے رہسی جو۔۔

کھتھ خس خاشاک تے خار ڈٹھم

ہک نور دے سب اطوار ڈٹھم



## اکھ دا عذاب

بتول رحمانی

اندھارے دی گھوگ جھولی وچوں سو جھلا کنڑاواں کنڑاواں چدھار بانہڑے ڈیندا بھنا۔۔۔ تاں دید  
وی اکھ جھمک تے اچاک تھئی۔

جاگدی اکھ دا اج پہلا منظر ایہو نوشتہ دیوار ہا۔

ہر پاسے لکھیا ہا۔۔۔۔ "اکھ عذاب ہے"۔۔۔ "اکھ عذاب ہے"۔۔۔  
اکھ جھمکنا بھل گئی۔۔

بے ڈیہڑے لکھیا ہا۔۔۔۔

"میکوں میڈیاں اکھیں کنوں بچاؤ"۔۔

"میکوں میڈیاں اکھیں کنوں بچاؤ"۔۔

ویبلیاں۔۔۔۔ ویریاں اکھیں گھن تے اور سارا ڈینہہ ہک بئے توں پوچھدے رہئے۔۔۔۔ "اے  
کنیں لکھے؟" "اوکون ہے؟" "کیا آہدے؟"

اگلی سویل کندھیں ول چیکیاں۔۔۔۔

"ساکوں ساڈیاں اکھیں کنوں پناہ ڈیواؤ"۔۔۔ "ساکوں ساڈیاں اکھیں کنوں پناہ چاہدی اے۔۔۔!!"

ہن شہر دا وڈیرا --- شہر دا میئر --- ہر کندھ کنیں بچیا --- ہر کندھ نال کن لاتوس ---  
 "اکھ عذاب ہے --- اکھ کنوں بچاؤ" --- پیچی گالھ ہے ---

میئر جیڑھا وسیب دا سیانا ہا سوچیں پے گیا -

یارو عذاب تاں پانی دا ہوندے --- چھل دا ہوندے --- پانی دا عذاب --- پر کو ---  
 تاں حیاتی ہے --- پانی وجود دی ابتداء ہے --- ول --- ہا --- عذاب ہوائیں ہوندیں -! ہوا  
 --- کو --- کو --- ہوا دی ٹھڈ --- ہوا دی گرمی تاں رنگ لیندی ہے موسم کوں --- کیوں  
 سئیں کیناں --- ہوا لازم ہے --- ہوا لازم ہے --- اچھا --- ول --- سوچیں متھے تے سلنے  
 لیکے لیندیاں ٹردیاں گیسواں - ہا --- عذاب زمین دی گردش ایچ ہے - اوں گبھ لدھی --- ول دلیل  
 --- زمین دی گردش تاں ڈینہہ تے رات دی لک چھپ وی ہے --- بھلا ول --- کیویں --- کیوں  
 --- بھلا ---

زچ تھی تے پیر پکڑن --- پراج دا مسئلہ تاں اکھ دا عذاب ہے - ول مسئلہ مجسم کھڑا ہا -  
 ہن نوشتہ دیوار اجتماعی ہا - لہذا میئر دی اکھ جھمکن بھل گئی -  
 شہر دا ہک ہک بندہ پیش کیا گیا - تحریر دا خالق کئی نہ نکلیا - ناں کوئی شرح کریندا ہا ---  
 ول وی مطالبہ اجتماعی ہا ---

--- ساکوں ساڈیاں اکھیں کنوں پناہ ڈاؤ ---

اگلی فخر ول راہندیاں کندیاں بونگھ ڈیتی

میئر اپنی علمیت، تدر دے باوجود --- گنگ دام ہا --- او جانڑدا ہا جو --- کندھ دی تحریر  
 --- الارم ہوندی ہے -

کندھ وارنگ ڈیندی ہے ---

اوندے اندروں الا آیا --- بچا --- بچا اپنے شہر کوں --- اپنے لوگاں کوں --- بچا --- بچا!!!  
 اوہ --- پر کیویں --- کیویں --- اوں ولا سر ماریا --- سوالیہ نشان چدھارکت وانگن کر لا  
 ودے ہن -

شہر دے سیانیاں سر جوڑے - کئی ڈینہواریں دی بحث دے بعد ہک "تجزیہ" پیش تھیا --- آکھ



گیا ہا۔۔۔

آ۔۔۔ ہوا انسان دی ضرورت ہے۔۔۔ زندگی ہے۔۔۔ بے ایندی نور مناسب متوازن ہوئے تاں  
 ۔۔۔ ناں تاں اے وجود موندھاتے مکاڈیندی ہے۔۔۔ لہذا عذاب تھی گئی۔۔۔ ول ہے پانی۔۔۔  
 پانی۔۔۔ زندگی دی ابتداء ہے۔ وجود دا نقطہ آغاز۔۔۔ پانی دا ایہو سچا قطرہ ای بندے۔۔۔ بقاء وی  
 ہیں تے آسرا رکھدی ہے۔۔۔ ول۔۔۔ ول۔۔۔ ایہو پانی چھل بن تے زندگیاں نکل وی تاں ویندے۔  
 زمین۔۔۔ زمین تاں زندگی کوں جھولی اچ۔ بلندی ہے۔۔۔ کوچھڑ چندی ہے۔۔۔ اپنے انگ  
 انگ وچوں ست، زندگی دے لباں تے بہہ قطرہ قطرے زیندی ہے۔ وصف ہے ایندا۔۔۔ ساڈے  
 وجود اچ دھرتی ہمکدی ہے۔۔۔ لیکن جڈاں تئیں ایندی مداری گردش توازن اچ راہوے۔۔۔ جڈاں  
 وی چرخہ اچھ تھی۔۔۔ بھویں ہنب گئی۔۔۔ زندگی سراچ کیری گھت تے رنی۔  
 گویا۔۔۔ توازن اچ بقاء ہے۔۔۔ تندی اتے افراط نقصان ور۔۔۔ اصل اچ نہ کوئی فنا ہے تے  
 نہ بقاء۔

ہوا۔۔۔ مٹی۔۔۔ پانی دا مناسب ربط بقاء ہے۔۔۔ ابتداء ہے۔۔۔ زندگی ہے۔۔۔ زندگی آمیز ہے  
 ۔۔۔ حیوان، نباتات، جمادات سب ہی۔۔۔ مسئلہ اکھ دے عذاب دا ہے۔۔۔  
 مجمع چیزھا ساہ جھنڈے سزدا پیا ہا۔۔۔ ہک دم چکیا۔۔۔ سنو۔۔۔ سنو کہ بہوں سوچ وچار دے  
 بعد اساں ایں نتیجے تے پہنچے ہسے کہ ہن مجمع وی ساہ ول جھنیرتج گئے۔۔۔ دلاں دی دھوکن بے ہنگم شور  
 اچ ڈھل گئی۔

اے سب ایں شہر دے لوگ ہن جہناں ڈوڈے زمین۔۔۔ ہوا تے پانی دی شہ رگ تے  
 سرکدے ہن۔ انھاں علم اتے قوت علم دے سامنڑھیں دریاں کوں جرأت نہ ہئی جو منڑھیں کنوں باہر  
 آوے۔۔۔۔۔ ایندے تاں دھارے اہناندے اشارے منکدے ہن۔۔۔ ہوا دے اچھ ہروار کوں راہ  
 لاون ایں شہر دا ہر جوان۔۔۔ ہر عورت جان دی ہئی۔۔۔

رہی زمین۔۔۔ تاں ہزار ہتیں دے باوجود انھاں دی اکھ توں اولی نہ رہ سکدی۔ کتھاؤں ایندی  
 بوٹی پھوٹے۔ ہک انگل نال ٹیک ویندی ہئی اہناندی۔۔۔ ابھی حالت اچ بھلا۔۔۔۔۔  
 اے ان گھیا کیا باقی ہے۔۔۔؟

کیا تھی ون والا ہے ۔۔۔۔  
 لوگیں دی اکھیں اچ کاوڑ لٹکی ۔۔۔۔ معمولی جھیاں حقیقتاں دا لمبا بیان وقت دا زیان ہے ۔ اصل  
 نقطہ تاں سنو ۔۔۔۔ داناں ہکل ڈیتی ۔۔۔۔  
 بے ول آکھن شروع کیتا ۔۔۔۔ اے مہید ہئی سئیں ۔۔۔۔ اصل نقطہ ہن بیان کریندے سے ۔۔۔۔  
 دھڑکار ہنب گئے ۔۔۔۔ اکھیں تمہارگیاں ۔۔۔۔  
 کہ اکھ دا عذاب خواب ہن ۔۔۔۔ جے اکھیں خواب ڈیکھن دیاں ہیلکیاں تھی و نجن تاں عذاب  
 آندیں ۔۔۔۔

کینا ۔۔۔۔ کینا ۔۔۔۔ کیناں ۔۔۔۔ مجمع وچ چلکار پئے گیا ۔۔۔۔  
 خواب تاں زندگی دی بشارت ہوندین ۔۔۔۔!  
 خواب ۔۔۔۔ اکھ دا سنگھار ہوندین  
 خواب ۔۔۔۔ حرکت دا اشارا ہوندین  
 کیناں ۔۔۔۔ خواب زندگی دا سوسہڑپ ہوندین ۔۔۔۔  
 خوابیں دے بغیر زندگی دی کوکھ اجڑویندی ہے ۔  
 ہرگز کیناں سئیں ۔۔۔۔ اساں خواب کوں عمل دی پہلی پوڑی سمجھدوں ۔۔۔۔ ساکوں مچتے گوہڑ نہ گھتو  
 اٹکھا شور اٹھیا کہ اوں کنیں تے ہتھ چار کھے ۔۔۔۔ خواب نہ ڈیکھن معذوری ہے ۔۔۔۔ سنڈھ تھی  
 ویندی ہے حیاتی ۔۔۔۔ تساں ساکوں موت دی راہ لیندے پے وے ۔۔۔۔ کیوں ۔۔۔۔؟ نہ ۔۔۔۔ نہ رد  
 کریندے ہے اساں ہتاڈی ایں ۔۔۔۔  
 سنو ۔۔۔۔ او ول الایا ۔۔۔۔

سنو ۔۔۔۔ کہ اے محض ابتداء هئ ۔۔۔۔ مونڈھ ہا میڈی گالھ دا ۔۔۔۔  
 بیشک خواب عمل دی ابتداء ہے ۔۔۔۔ پر ۔۔۔۔  
 پر کیا ۔۔۔۔ چہنچہ بیا کٹھ الایا ۔۔۔۔

او ۔۔۔۔ اے جو کندھ نے جیڑھے نویں عذاب دا الارم ڈیتے او اوں نے مجمع تے نظر بھنویندے



ہوئے گالھ جاری رکھی - وڈے غور فکر --- بحث تے دلائل دے بعد اساں ایں نتیجے تے پچے سے کہ

اکھ دا عذاب دراصل اوندے او خواب ہن جیڑھے انفرادی ہن --- محض انفرادی --- جیڑھا

اونہہ --- افراد دا خواب ہی اجتماع دے خواب بندین --- محض لفظاں دے جنگل ایچ خالی  
ہتھ ہن پیریں کوں زخمائی ودریں --- کھ انت نی لدھاتیں ---

حقارت نال ہک پاسوں اکھیا گیا ---

میڈے پیر بے شک زخمائے گین --- پر --- ہتھ خالی کینی --- اوں ول آکھیا ---

یارو --- فردا دا خواب جے بئے دی فنا دا خواب ہوے تاں --- عذاب ہوندے --- ساکوں  
اپنیاں لامحدود قوتاں کوں بکل ایچ سامبھراں ہوسی --- اکھ دے خواب کنوں --- لکاون ضروری ہے  
--- ناتاں روئے زمین تے ساہ کھنیں والا کوئی نہ ہوسی ---

کائنات دے سارے رازاں کوں گھ و نجن والے جے فنا تھئے --- تاں --- محض اکھ دے اوں  
خواب دی وجہ کنوں تھی سن --- جیڑھا اپنی بقاء بے دی فنا ایچ ڈیکھدے ---

آؤ! --- آؤ کہ اپنے اپنے خواباں دی ہتھیز کر گھنوں --- آؤ اپنیاں اپنیاں --- اپناں  
پپلیاں پھولوں ---

اونہہ --- پپلیاں پھولوں --- مجمع بڑ بڑ کریندا کھنڈڑ لگ گیا --- او کھہا --- دنگ ---  
ہمیا ہو یا اپنی جاتے سک دم ہا ---

کندھاں تے مس گوڑھی تھیندی گئی --- میڑ تے سیانے --- پیلے پوندے گے --- آہ کیا

اکھ دا عذاب ساڈا مقدر ہے --- ؟؟؟



## غزل

گجدا وچدا چڑھدا آندے بکر وال کیا تھیں  
کچا میڈا گھر ھ یارو ایندا حال کیا تھیں


کھمن کھدی پڑدا بیٹھاں بدلاں دے کرٹاٹن  
لکھاں دی ھ ڈھاری میڈی ایندا خیال کیا تھیں

رتیلا رتیلا جوڑ تے چڑیاں آھٹا آں بنایا  
بجلی جیکر ڈھمہ پوے تاں مرین ہال کیا تھیں


سکھڑے ہن محبوب دے نانویں ڈکھڑے عاشق کیتے  
کن پڑواتے جوگی بن گن میڈے نال کیا تھیں

وعدہ کرتے روز ازل توں رل تے توڑ نبھیں  
جیندیں ظفر کوں محض نہ جانے باد وصال کیا تھیں





صدر مجلس سید دین محمد شاہ  
۱۹۹۳ء - ۱۹۹۵ء



مسرت کلاںچوی کے ڈرامہ ریگزار میں بہاولپور کے فن کار  
تہسم لودھی اور اصغر بہاولپوری



قائد اعظم کے دستِ امت مسلموں کے ہمدرد  
پاکستان کے مخلص

نواب صادق محمد خاں عباسی رحمۃ اللہ علیہ ﴿جہانگیر ہونی عظیم  
تاریخی شخصیت﴾



At the age of four years DASTAR BANDI (15-05-1908)